

平陸縣續志

數

平陸縣續志卷之下

人物類

雲夢之竹天下之勁也然而不矯揉不羽括則不能以入堅棠谿之金天下之利也然而不鎔範不砥礪則不能以擊強尚論古人亦若是而已矣虞之人物在昔為高尚名世忠賢義勇孝友節烈事雖不同其理則一何莫非矯揉羽括鎔範砥礪而後得此勁利也哉自修志迄今百有餘歲其間科第繼起人文炳蔚或治行卓著或垂光閭里或孝友或忠烈故皆表而出之其所以厲世磨鈍者庸有既乎誌人物

平陸縣續志

卷之下

人物

一

治績

荆如棠字蔭南乾隆辛酉舉人戊辰進士由翰林院庶吉士授邑宰官至分巡淮揚兵備道宦績甚著民皆稱之

范三綱字敘五號荆坡乾隆戊子解元戊戌進士授刑部江蘇司主事升直隸司員外郎掌廣西道京畿道監察御史擢戶科給事中巡視南漕東漕秉正嫉邪人皆憚之

仝卜年字子占號礪南嘉慶庚午舉人辛未進士幼而岐嶷讀書目下數行稍長為文甚奇性孝友家貧好

學識者器之官知縣遷臺灣府署臺灣道歷任五縣
二廳一府一道所至建學校修城垣撫流亡折疑獄
剔奸宄皆以最報任彰化縣時俗多械鬪有陳姓者
結黨於壺盧墩衆至萬人卜年聞之一晝夜急馳二
百餘里彈壓解散一時有菩薩之稱加道銜 賞戴
花翎尤工詩律壽六十有七卒於官

周延秭乾隆時舉人官內閣中書歷任江南武進金匱
知縣愛民如子後告歸設教靈寶桃林書院循循善
誘門下獲第者甚衆

趙 垣字禾村忠厚明敏嘉慶癸酉拔貢乙酉舉人庚

子進士歷任平順訓導樂平教諭朔平教授涑水知
縣居官以清慎勤自勵辦

陵差稱職尤勤案牘中宵不倦著有涑陽記略

柴 煥字敬峰貢生從矩堂弟山東德州州判賦質純
良持身恪謹居官能得士民心乞休日父老挽留有
借寇之風焉

張所尚字士心初學文後習武中乾隆戊子科武舉除
山東臨清衛後邦領運千總旋升守備兼代理縣丞
事卒於官家人扶櫬歸里百姓道左餞祭絡繹不絕
得民如此在武弁為尤難

懿行

柴從矩字方齋乾隆己卯舉人庚辰截取知縣嗜讀不仕藏書幾甲一邑歲收粟千餘石皆以小斗入遇歲饑輒減價平糶凡鄉鄰有急慨然樂施每年出粟周給親族至老不倦

柴溥字佩韋從矩長子也乾隆丙午舉人揀選知縣喜施予有父風嘉慶丙寅歲大饑家設粥廠就食者衆活人無算學書得顏魯公法望重一時
陳務滋監生品行端方輕財好施值鄰友爭財欲訟每出金還債以息事

平陸縣續志

卷之下

人物

三

孫秀錦字采章增生孝恭純篤剛直惡邪雖婦人孺子咸敬憚之門人進士田世豐等立教澤碑

賀鳴金邑庠生存心忠厚待物不欺一日偶步田閒適有人盜其禾見之急反其人自後追呼疾行不顧至家其人叩門請罪仍閉戶不納終未嘗一言其姓名其涵養如此

趙果煥字映璧國學生性質直好義遇親鄰貧苦多賙之知縣李澍生匾其門曰品端行優道光二十六年歲大饑糧價日昂煥出粟減價平糶月餘乃止里人稱之

張鵬翼輕財好施慷慨不吝乾隆六十年歲饑捐粟千餘石分給鄰里嘉慶九年歲大荒又捐濟之

荆振邦介賓道光二十六年歲大饑出粟以贍族鄰人皆義之壽七十有九

靖養身邑廩生曲成後進無志功名在家廟設立義學凡貧家子弟皆往學如是者十餘年村人稱之

令狐增憲字孔章從九銜性敦厚豁達勤公事如家事咸豐初髮逆擾豫知縣余正西欲練勇防守增憲建議調沿河諸村壯丁代之以省費同治五年賊匪擾陝增憲請傳居民齊集河干輪流守禦境內藉以無

平陸縣續志

卷之下

人物

四

虞平生清操自勵尤重讀敬師里黨稱之

王世立字卓然例貢生品誼端方性敦厚精醫術不受謝得藥而愈者甚衆

解志善字天真監生 地封修職郎耿介端嚴睦族恤鄰義方教子重讀敬師五世同堂子孫登科入庠者

五人與人無爭門庭雍雍家至七十餘口為一邑最劉智顯字雲台輕財好義村溝通山深至數十丈獨出

貲財創築鉅橋以便往來一生賑貧恤孤鄉黨咸敬重之

梁秉智家素貧為人傭曾拾花客遺金二百後訪得花

客某還之鄉里共稱有疏財仗義之風

高向垣於井邊拾聞喜縣柴三元遺金三百攜至家人不知次年柴復來遇之言遺金付之封記宛然

趙廷堯字則天輕財好義嘗拾數百金慨然與之其人感謝亦不受歲貢伍漢駒匾之曰義追管甯

王太平於路側拾遺金百餘兩後月餘有河南賈人來尋平以原金付之賈人感謝

照磨銜周炳字文圃延稭子也處世與人無忤樂善不倦親鄰婚葬不吝周恤盛暑手不釋卷一生未至公庭鄉人重之

楊遵程歲貢生官靈邱縣訓導品學兼優樂善好施捐地三十畝為祭田又精醫理門常如市無不應手取效餽遺不受與世無爭著有撥迷金針等書仕歸好樓居手持麈尾終日危坐不妄言動壽九十餘無疾而逝子二皆增生悉以品學端厚見重鄉里

孝友

監生姜寶南字農育事嫡母以孝聞姊二俱早寡居無依寶南迎歸同居者四十餘年兄歿姪世綿尚幼為延師課讀並代營家務後入邑庠鄉黨重之

荆林青字春意家貧幼孤事兄甚謹出嗣他支因兄累

欠太重乃分任其債以授徒資償之兄或不給恆減食以周之里人敬服

楊所博邑庠生父直方增生年七十患石淋晝夜吟呻不絕博親吮之石出病尋愈子兆元亦以孝聞

劉維翰邑增生性孝友少失恃事繼母以孝聞

李 苗字碩田增貢生候選訓導性至孝事繼母如所出生平慷慨好施凡遇貧乏求輒周之精醫術不惜重值搆藥為活人計道光丙午餓莩盈途粟價日昂苗減價平糶鄉人稱之

楊夢麟庠生性友愛兄弟析產而居諸弟為匪人所誘

田產蕩盡麟臨終贖還之諸弟感悟後俱成立

胡尊孔稟性溫良制行方正時勸人息爭訟姪幼孤相隔二十餘里常委已事居姪家照理撫育十有餘年財物一毫不染

喬連第候選縣丞磊落慷慨三姪一子乃四分其產做范文正公義田之舉人以為難

劉廣凝字道巖號棠陰性友愛撫姪猶子善排解每歲建立書舍勸親鄰弟子偕讀而自供薪米

趙利賓字國光邑庠生教授生徒孜孜不已一時名士多出其門卒年七十有五門人仝卜年等私謚曰文

穆先生賦性友愛事親以孝聞鄉人稱之

趙作賓字恪三邑庠生利賓季弟賦性剛正少從兄學
敦重孝弟父母病嘗與其兄夜禱 神前願以身代
及親歿事兄如父事無大小必稟命焉
貧振都居身質樸忠信慤誠撫孤姪尤慈嘗鬻己產為
姪償債家貧舌耕妻喬氏路拾遺金訪主還之
令狐種樂善好施村有洪澗人皆病涉每歲修橋以利
行人子孫五世踵行不怠載列前志後嗣能繩祖武
教諭董應深訓導郭文奎匾旌曰箕裘克紹至今十
一世踵行依然

楊天喜監生性友愛年十五失怙恃與妻伊氏撫數月
弟如己出兄弟同居五十餘載無閒言遇歲饑輒出
粟贍族濟人

楊廷鳳廩生品行端方賦性友愛輕財好施立義塾以
教里中子弟鄉人德之

文學

柴從規字象天從矩兄也初學文後入武庠好覽古今
書於經史象數皆能喻其旨註有孟子千字文解皆
鏤板存笥書法善中鋒體得者寶之

柴 灝字撫弦從矩次子乾隆甲寅舉人揭曉後主司

嘆為不數數靚性嗜讀喜誘後進生平手不釋卷兄弟友愛至老彌篤書法學松雪幾於神似與父從矩兄溥時有三蘇之喻

賀寅炳舉人號霖陽賀鳴金之仲子也學優品端掌教西河書院二十餘年有入學喻詳載芮城縣志時芮之名士多出其門旋里後邑之及門者尤衆又精醫術有求必為施治居鄉和霽歲終見鄰族艱於度歲者必調之光緒三年歲大饑於村中極貧者量戶口以粟賑濟卒年七十有一

邱階升字台三道光辛卯副榜敦尚孝友矢志力學教

平陸縣續志

卷之下

人物

八

授生徒多所成就

荆戴慶字友篤品格端方邑侯以文行兼優舉膺體介賓平生著作有半酣詩集兩卷

庠生毛文煒字彤廷性和謹處世與人無爭舌耕引掖後進多所成就工詩著有澗溪詩草未梓

忠義

劉朝海字宗漢由行伍補夏縣外委同治六年出防吉州冬月二十三日捻匪偷渡海帶兵同米把總並谷遊戎之姪蒲州營外委谷杏林銜鋒堵禦力竭陣亡林亦罵賊遇害隨從殉難馬戰守兵二十三名

尹用森

劉天青

郭興泰

趙明

冀臨清

張有才

王占盛

趙成亮

賀京祥

慶明元

王連貞

王芝藩

王林貞

史可興

馬存喜

王天星

史武盛

楊立興

劉得法

劉得茂

杜廣乾

韓起家

何光清

皆邑人

平陸縣續志

卷之下

人物

又八

列女類

疾風勁草歲寒松柏堅植雅操士或難之而况巾幗
之婦人乎如趙烈婦之誓死砥節遇變投崖斯固天
地間之正氣誠足勵頹風而耀簡冊矣其他矢志不
移永貞靡玷或撫孤幼以成名或事翁姑以全孝或
遇外侮而彌光或遭家難而不廢種種懿模悉堪揚
挖故採合公評不遺餘力雖蘭生幽谷不因人而始
芳而蓬長麻中將不扶而自直比物此志未必非閩
德之一助云誌列女

節孝

平陸縣續志

卷之下

列女

九

趙某氏西滑村趙某妻也母家洛陽人幼值歲荒轉鬻
河北趙之父見而收之喜其溫順因定婚次子而童
養焉氏孝敬和睦出自性成長合琴瑟甚篤甫三
載而趙病不起氏奉侍湯藥晝夜惟謹病革趙執氏
之手口不能言目亦不瞑氏泣曰君將不忍於妾乎
當從君於地下矣言訖遂瞑氏哀痛求死屢為家人
所防比葬氏墜崖殉之遂同穴焉舉人賀寅炳有歌
並序 見藝文

貧繼康之妻車氏于歸時康已病不能親迎俟於門外
迎婦入室即日康亡氏遂立志守節事翁姑克盡孝

道撫夫弟繼平尤友愛平亦忠謹事嫂以子嗣兄壽六十餘

王清溪之妻趙氏年十八適夫旬餘夫亡氏以死殉之親族為之立節烈碑

張益高之妻何氏年二十歸高三年高亡子女俱無越二年父母欲奪其志自縊死

張西平之妻王氏年二十二歲生子方四歲而死月餘平卧病不起謂氏曰子若在汝當守今子既亡我死後汝可另嫁言之泣下氏亦泣應曰女子從一而終豈容再嫁君死妾當從於地下耳平歿氏果自縊

曹良舟之妻王氏未嫁夫亡祇遺病姑氏奔喪易妝號慟欲絕或慰之氏曰郎君已逝病姑誰憐由是乞食奉姑備嘗辛苦及姑沒哀求鄰里為備衣棺守墓百日而氏亦亡邑令梁公勒石表墓

呂孝女性孝友年十餘歲父母相繼而歿憫幼弟無人撫育恐父母失祀遂誓終不字人堅持節操撫養弱弟至於成立同居七十年歿聞者咸嘉歎之

史發榮之繼妻史氏年二十九歲夫亡翁年七旬一子數歲矢志堅守事親撫幼慈孝兼全卒年七十三歲貧自暄之妻張氏年二十七歲夫亡子甫三歲家貧惟

績紡拾薪度日撫孤成立卒年七十一歲

張周考之母成氏年二十四歲夫亡子週歲翁姑俱耄

氏堅志守節卒年七十五歲

楊高柯之妻趙氏年二十五歲夫亡志節耿耿侍翁姑

曲得歡心人皆稱孝卒年六十歲

董文宣之妻路氏夫亡氏年二十五歲子甫三歲素志

賢良躬行勤儉治家有法教子成立卒年四十五歲

董建旂之妻貧氏夫亡氏年二十四歲子女俱無行止

有法賢良可欽苦節二十一年而歿

張可貞之妻楊氏年二十一歲夫亡子甫二歲營營無

倚苦節五十餘載

席嘉淮之妻喬氏年二十九歲夫亡遺子一歲苦節撫

育至於成立嘉慶九年歲大饑家計空乏惟以績紡

度日撫姪無異已出卒年八十二歲

席百泰之妻荆氏年二十四歲夫亡撫二歲遺孤嚴以

濟寬教子成立姑壽八旬舉動維艱氏日夜侍側不

懈卒年七十三歲

席鍾靈之妻張氏年二十二歲夫亡清操自勵事翁姑

以孝聞卒年五十七歲

何可依之妻李氏年十六歲夫亡無子矢志堅守撫嗣

成立娶媳張氏不數年而嗣子亦亡時氏年二十一歲亦無子因姑孀居無人奉養遂誓死不改節姑年六十四歲而卒氏今六十一歲

陸雨林之妻趙氏年二十七歲夫亡子女俱幼紡績度日撫育成立卒年六十歲

廩生王清暢之妻趙氏年二十八歲夫亡子女俱無奉翁姑以孝聞後承命立嗣連生二孫卒年五十歲

貧英才之繼妻楊氏年二十八歲夫亡子方二歲撫孤成立後舅姑皆染癱疾事奉數年毫無間言卒年七十二歲

張鎮吉之妻裴氏年十九歲光緒四年歲大饑家人不能相保姑與夫相繼亡翁以乏食遣嫁氏矢志益堅後翁逃食還氏已閉戶死與叔祖姑王氏叔姑何氏事異志同可謂一門三節矣

馬登高之妻劉氏奉養翁姑克盡孝道年十九歲夫亡無子氏以死殉之

黃何氏矢志柏舟鄉里稱其節孝立碑道旁其夫失考馬如穰之妻劉氏 薛允恭之妻趙氏

李宗伯之妻史氏 何如倉之妻吳氏
冀有麒之妻趙氏 關學顏之妻楊氏

毛錫組之妻關氏

楊發才之妻令狐氏

馬兆圖之妻王氏

趙振家之妻令狐氏

高召憇之妻劉氏

史慎徽之妻趙氏

馬志剛之妻王氏

薛毓琦之妻楊氏

薛國珩之妻趙氏

趙得安之妻李氏

貧五芝之妻吳氏

貧五傑之妻趙氏

關培奠之妻張氏

王良淳之妻趙氏

毛 玫之妻趙氏

常裕昌之妻趙氏

杜定元之妻趙氏

關附鳳之妻毛氏

李迪元之妻關氏

史以匡之妻楊氏

平陸縣續志

卷之下

列女

十三

趙望烈之妻史氏

趙彭綬之妻呂氏

劉蔭竹之妻楊氏

劉 巽之妻郭氏

馬如穢之妻張氏

杜應元之妻楊氏

鄧亦樂之妻王氏

王廷標之妻杜氏

楊俊秀之妻史氏

趙京貴之妻毛氏

張 譔之妻韓氏

趙果鑑之妻楊氏

貧迎暉之妻石氏

韓經邦之繼妻劉氏

關耀邦之妻張氏

楊俊奇之妻陳氏

王百泰之妻宋氏

杜士元之繼妻萬氏

李坤元之妻仝氏

鄭玉振之妻趙氏

史廣恩之妻趙氏

李知新之繼妻趙氏

貧恆貴之妻石氏

趙奉璋之繼妻鄧氏

李育材之妻紀氏

梁永建之妻胡氏

陸天錫之妻杜氏

范于濟之繼妻史氏

譚有成之妻王氏

趙慎行之妻荆氏

以上節婦經知縣沈珂清詳

旌

前志我朝節婦均係沈珂清覆詳旌表

王啟心之妻汪氏

柴景望之繼妻楊氏

鄧仰智之妻貧氏

令狐邦全之妻王氏

吳應泰之妻李氏

仝維城之繼妻楊氏

李孝之妻史氏

張錫智之繼妻趙氏

平陸縣續志

卷之下

列女

十四

趙如花之妻陳氏

張三榮之繼妻何氏

毛遇江之妻張氏

貧長彥之妻趙氏

喬舞鶴之妻曾氏

劉廷獻之妻何氏

姜永剛之妻趙氏

毛豐章之妻牛氏

王振宇之妻馬氏

楊穎之妻趙氏

陳重華之妻崔氏

梁宗興之妻王氏

姜來成之妻杜氏

譚昌言之繼妻趙氏

南廷彥之妻賀氏

梁望秀之妻趙氏

李迎桂之妻馬氏

李明德之妻季氏

王問政之妻楊氏

趙雙盛之繼妻董氏

李志張之妻馬氏

趙連城之繼妻李氏

李志增之妻富氏

賈逢盛之繼妻毛氏

陳大裕之妻牛氏

令狐乃若之妾趙氏

周士之妾貧氏

趙楹之妻貧氏

陳三才之妻孫氏

周毓俊之妻高氏

周法忠之妻鄧氏

令狐玉柱之妻劉氏

杜書思之妻鄭氏

焦克忠之妻衛氏

梁漸升之妻張氏

令狐作楫之繼妻杜氏

車炎成之妻趙氏

何廷耀之妻毛氏

何連宗之妻貧氏

貧振獻之妻焦氏

平陸縣續志

卷之下

列女

十五

王化成之妻貧氏

陸生梅之繼妻范氏

雷文友之妻趙氏

趙希普之繼妻張氏

趙元善之妻段氏

申永清之妻喬氏

李萬倉之妻陳氏

譚之義之妻毛氏

柳發春之妻裴氏

貧多聞之妻楊氏

趙希昂之妻周氏

黃大成之妻胡氏

石兆元之妻趙氏

劉嶽之妻宋氏

荆岨之妻吳氏

張統泰之妻章氏

趙學明之妻李氏

史序穆之妻王氏

賀丕基之妻楊氏

趙侍孔之繼妻曹氏

李 薦之妻郭氏 譚文炳之妻令狐氏

劉省三之妻李氏 張印洲之妻柴氏

石臨泗之妻劉氏 王 還之妻馮氏

譚虎文之妻荆氏 賈奉章之妻成氏

李懷育之妻段氏 石友蘭之妻梁氏

胡繼玉之妻趙氏 毛福華之妻荆氏

李生科之妻荆氏 趙玉林之繼妻貧氏

張達道之妻喬氏 譚近勇之繼妻趙氏

陳鳳獻之妻趙氏 喬 熾之繼妻張氏

以上節婦經知縣馬丕瑤詳 旌

平陸縣續志

卷之下

列女

十六

烈婦王王氏 劉清彥之妻趙氏

喬繼祖之妻王氏 令狐永昌之妻薛氏

以上四名節孝祠皆有祀位而事實失傳錄之以考備

毛炳耀之妻張氏幼隨父任讀書曉大義十六歲于歸

夫亡時氏年二十四歲家道拮据紡績度日事姑嫜

克盡婦道或諷以改圖即斃面謝之曰妾幼讀詩書

頗知禮義何敢玷辱門戶也子長教之學戒之曰勿

負我苦後其孫述先曾孫鴻海相繼登賢書人以為

貞孝之報知縣沈珂清上其事奉

旌表

張姜氏張段氏矢志柏舟節孝兼全夫與子俱失考
王環之妻李氏夫因家貧為傭出外生理經三門溺
死遺子甫週歲氏年十八撫子事姑藉績紡以度日
守節四十餘載

姜氏姊妹者長適令狐姓年三十夫亡次適譚姓年二
十三夫亡俱無子矢志柏舟始終不易節後兩姓近
族無人遂依母家四十餘年長七十九歲卒次七十
六歲卒姪世昌送二喪各與其夫合葬焉

趙世之妻石氏年二十一歲夫亡子女俱無矢志不
貳紡績度日事舅姑以孝聞舅姑歿典賣田產以葬

平陸縣續志

卷之下

列女

十七

貧而堅守節孝兩全

趙勤之妻武氏 毛秉震之妻趙氏

吳勤之妻鄭氏 毛文煥之妻貧氏

史知祥之妻謝氏 郝應胞之妻曹氏

葛金廣之妻郭氏 段文秀之妻張氏

王直身之繼妻呂氏 鄭安命之繼妻王氏

王毓文之妻喬氏 王復榮之妻楊氏

王允中之妻荆氏 王中立之妻富氏

解惠成之妻武氏 毛增耀之妻吳氏

李永貞之妻董氏 龔升雲之妻成氏

呂連科之妻高氏

王權之妻趙氏

張聯萼之妻喬氏

張勵恭之妻邱氏

范選朝之妻張氏

尹映葵之妻潘氏

王殿臣之妻宋氏

尹映荷之妻衛氏

尹映笙之妻梁氏

劉善世之妻范氏

劉景行之妻張氏

何三泰之妻吳氏

解于奇之繼妻楊氏

毛亦翹之妻南氏

令狐定江之妻景氏

成崇道之妻貧氏

周迪吉之妻令狐氏

楊如楷之妻張氏

趙恆煦之妻周氏

趙起元之妻譚氏

平陸縣續志

卷之下

列女

十八

李昌德之妻孟氏

令狐濟之妻衛氏

趙有法之妻裴氏

令狐誠心之妻李氏

曹法蕭之妻姚氏

趙八田之妻薛氏

柴景邵之妻何氏

張其煊之妻陳氏

荆天德之妻侯氏

成大智之妻吳氏

王體恭之妻李氏

馬黑漢之妻趙氏

史可修之妻趙氏

王嘉宇之妻貧氏

文學悅之妻楊氏

呂篤敬之妻趙氏

裴清河之妻喬氏

張慶遠之妻常氏

李仝庚之妻梁氏

史志道之妻趙氏

趙斗之妻王氏

裴以甯之妻胡氏

尹映芸之妻張氏

田貴耕之妻趙氏

令狐中元之妻鄧氏

張智遠之妻王氏

裴登理之妻薛氏

李芳槐之妻張氏

石生雲之妻毛氏

史文彥之妻馮氏

王建中之妻何氏

靖英之妻楊氏

胡現章之妻石氏

趙月盛之妻崔氏

張恩賢之妻柴氏

韓登鳳之妻陳氏

荆振邦之妻張氏

鄭宗哲之妻楊氏

趙章升之妻李氏

張四墨之妻趙氏

平陸縣續志

卷之下

列女

十九

張兔換之妻李氏

荆春暢之妻温氏

吳燭理之妻楊氏

史嗣曾之妻杜氏

趙重倫之妻周氏

宋藻之妻陸氏

蔣進戰之妻關氏

任亦全之妻石氏

吳廷揚之妻張氏

尹文彬之妻任氏

周掄元之妻辛氏

史鳳鶯之妻王氏

趙玉清之妻趙氏

荆應選之妻喬氏

陳欄森之妻楊氏

武秉良之妻車氏

蔣成農之妻史氏

唐申惠之妻馬氏

王體元之妻楊氏

段含章之妻裴氏

趙鍾英之妻石氏

趙春元之妻申氏

劉法成之妻梁氏

趙開泰之妻鄧氏

趙智之妻張氏

李永智之妻梁氏

趙晉元之妻張氏

車中規之妻荆氏

令狐振安之妻張氏

張捷登之妻毛氏

柴纘祖之妻趙氏

馬一清之妻何氏

侯于中之妻王氏

石純音之妻柴氏

黃鎮中之妻李氏

毛安詩
鄧撫忠之妻王張氏

以上節婦知縣劉鴻達現擬詳請

旌表

平陸縣續志

卷之下

列女

二十

楊德成之妻史氏

楊守業之妻關氏

趙殿策之妻許氏

趙冲漢之妻王氏

王連中之妻史氏

趙見元之妻陳氏

陳恆昌之妻史氏

鄧喜元之妻孫氏

趙世華之妻毛氏

鄭邦俊之妻馬氏

王廓宇之妻鄧氏

劉忠之妻楊氏

呂殿卿之妻邱氏

周尚文之妻王氏

靳立智之妻董氏

尹協成之妻梁氏

令狐邦霖之母劉氏

趙承宗之妻王氏

史應討之妻張氏

馮殿傑之妻鄭氏

王得祿之妻何氏

高望棠之妻劉氏

薛萬棠之母張氏

李鼎甲之妻薛氏

王志善之母李氏

張鴻儒之妻劉氏

吳應泰之妻李氏

楊大盛之妻李氏

馬飛鳳之妻王氏

仝名藩之妻楊氏

張金富之妻牛氏

楊啟華之妻王氏

馬步津之妻王氏

李錫榮之妻翟氏

楊全有之妻高氏

鍾同欽之妻楊氏

馬意長之妻車氏

荆丕承之妻楊氏

王進堂之妻張氏

曹存敬之妻靳氏

平陸縣續志

卷之下

列女

二十一

張恩子之妻段氏

郭言順之妻張氏

史布方之妻劉氏

段河榮之妻胡氏

李至周之妻王氏

史雙褒之妻韓氏

李優子之妻謝氏

馬清爽之妻胡氏

馬靜蘭之妻趙氏

王道平之妻侯氏

貧振才之妻周氏

仝潛心之妻趙氏

仝包之妻李氏

張和之妻楊氏

李望元之妻成氏

史普潤
張又新之妻荆趙氏

以上現存節婦年例未符姑錄之以俟他日請 旌

賢淑

王致旺之妻陸氏繼姪為子視如已出壽一百三歲
史大若之妻許氏四子十孫曾孫八夫亡時年甫三十
守志撫孤子孫蕃昌壽九十八歲

令狐養心之妻張氏性情和順年三十自度無子恐悞
夫嗣勸夫再娶親為物色娶歸始終愛敬子孫昌盛
一堂四世

丁養寬之妻張氏家貧事繼姑以孝聞道光丙午大饑
減食以濟鄰里夫亡教子孫以義方日夜紡績兼督
耕耘備茹艱辛後孫懷璧登賢書咸謂孝義之報

郭存之妻關氏夫亡撫育遺孤延師訓迪丁丑大禋

道瑾相望氏按口出粟以週親鄰次子亡遺女甫三
歲媳郭氏年二十四孝姑撫女克盡婦道關有女適
任姓夫歲荒逃亡關令與已同處俾守節育甥

胡中原之妻劉氏 王步洲之妻喬氏

令狐百鼎之妻鄧氏 仝正午之妻何氏

馬景法之妻何氏 郭憲章之妻趙氏

周燦之妻趙氏 陳嘉德之妻楊氏

史殿楹之妻楊氏 史曰林之繼妻劉氏

武立家之妻喬氏 荆迎祥之妻貧氏

郭餘庫之妻段氏 荆璋之妻貧氏

李夢庚之妻衛氏

貧玉印之妻薛氏

劉 塏之妻吳氏

鄧宗禹之妻令狐氏

楊啟田之妻史氏

考虞之俗重廉恥勵名節自昔然矣柏舟之賢比屋多有顧以前此得旌之難葭屋窮嫠幽貞弗耀迄於憲廟繩其廢格撤共幽翳嗣是以來當事虛懷下無壅遏側陋單微咸秩祀典所以炳炳粲粲若斯之盛也則夫輯其懿美傳之彤史固今日載筆者事然歐陽子有云婦人之行於親也孝婦也節母也義而慈如是焉止矣凡此大端比事屬辭不難數言而盡而欲人各

平陸縣續志

卷之下

列女

一十二

一傳傳各成文辭意繁複覽者倦焉此立言之難也是以帙中所載節烈貞孝遇值非常義維獨至撰錄舊聞槩列為傳而名閨淑媛及完節中之尤顯者亦與焉至於節孝兼全矢志靡他或以年例得旌或現今採訪經此次詳請凡賢貞姓氏並登簡中總期不沒其人而止非敢有所軒輊也然婦人三十歲後守節及三十歲前夫故其守節未及十年而沒者例不旌表第其年未四十苦節奇行矢志彌篤且孝親撫子備嘗艱辛若以格於成例刪而不錄何以勵後今故列於賢淑以為巾幗勸

藝文類

柳子曰辭之傳於世者必由於書道假辭而明辭假書而傳一言出口流光垂榮豈不偉耶况綱常賴以植立政教藉以修明簡書剴切則心神攝服詠歌渾厚則志氣和平敷陳之而記傳金石之而碑銘無非揆藻摛華以鳴

國家之盛至於士女之嘉言懿行壤地之短壑疏林一經品題並垂不朽文之不可已也如此誌藝文記

創建義學碑記

知縣李鍾淑

濟甯人

平陸縣續志

卷之下

藝文

二十四

平陸山邑也南臨大河北枕中條東則砥柱天險傳巖聳翠危峰峭壁蜿蜒直達於王屋西則天井石門諸勝紆折迴環跨雷首而暨鹽澤固扶輿旁礴之氣所結而成而為有商良弼發祥之地亦即古今來聞人接踵科名蟬聯所由後先輝映者也然而地勢崎嶇土田磽确雖仍唐魏遺俗而人之得以裕儲積者蓋寡以故貧窶之家鮮能從師受書而英英粹質率聽其嬉戲而莫之訓蓋自術序家塾之教不行而美玉之不琢也多矣余丙申春來宰是邑即殷然以興學為念縣故有傅巖書院諸生以時肄業其中顧獨

無教童子地因於書院地租為之覈名實謹出納積
五六年頗有餘資余又捐廉俸益之乃度地於舊馬
神廟空基屬國學生趙君實庵毛子鳳翔趙子定向
董其事一切物料悉從市價匠役雇值俱視民間工
興於辛丑二月至十月落成為門三楹堂五楹室
三間皆南向東西兩翼各三楹其規制大略粗具又
價買龍源村後山地二分歲收夏秋租市斛九石三
斗為學師脩脯及歲修費於是延師開館諸童子雁
行而進誦讀之聲日以起而人知向學矣自昔三代
之隆也士出於學師儒董戒敦學相長先以祭菜鼓

篋之文詔以絃誦干羽之事董以夏楚之威重以齒
讓之禮歷以三年九年之期考較以小成大成之學
其士畏敬而不敢悖服習而不敢遷優游漸被已幾
於化學之人人深也自小學之法廢無復講求於灑
掃應對進退之節其天資少純者惟驚於佔畢俗學
罔知探求本原下此或凌競蕩佚侮慢其先生故詩
曰芄蘭之支童子佩觿又曰挑兮闔兮在城闕兮是
少儀之不習而父兄之教不先也豈一朝一夕之故
哉余今學舍之設顏之曰養蒙者誠欲由其心之未
濫而早諭教之使知愛親敬長之道隅坐隨行之儀

童而習焉長而安焉勿杆格而不勝勿見異而思遷
以期習與智長化與心成固不徒令其記姓名供書
算已也童子勉之幸生聖賢之鄉又當山水雄壯之
區其克終始念典學於古訓俾異日為舟楫為鹽梅
以仰副

聖天子壽考作人之化無負余殷殷誘掖之誠則余之
所厚望也夫抑余更有請者學舍地處爽塏門臨通
衢無為賓客假館致童子有廢學之虞其地租微薄
不足以備師生膏火擴而充之尤有望於後之君子

重修明倫堂記

知縣萬科炳

靈川人

平陸縣續志

卷之下

藝文

二十六

儒學之有明倫堂儒學官莅事之所也我

朝

列聖相承崇儒重道自府州衛以下及十室之邑莫不有學
有堂而定例地方官至謁

聖後必詣學坐堂集諸生講四子書訖然後視事他如鄉
飲釋菜讀法講諭亦必於堂上舉行是不特儒學官
莅事之所實一邑風化之源政治之本矣歲已酉冬
余承乏茲土見斯堂之上漏下溼每逢諸大典揖讓
其中風雨飄飄傾覆是懼如必待其棟折榱崩再議
更張則所費不貲固不若及今修補猶為事半功

倍也爰舉明倫之義以正告夫邑之紳士曰倫之為言類也理也君臣父子夫婦昆弟朋友五者倫之目也舍五者安有所為人舍親義別序信五者安有所為學不特無以為人無以為學彼主治者又何以治人也惟以五者為之紀而禮樂詩書之迹與夫仁義道德之旨馴而習之使自得之而後士習日以正民風日以淳爾邑人文蔚起科甲蟬聯而顧聽其頹廢也乎抑余更有感焉者余南人也南北風氣異趨竊怪南人奢侈遇地方有公務每不惜傾囊倒篋以取博施之名間有喜功生事借以謀利者此固地氣之

浮薄使然及後赴公車登仕版遊歷夫燕趙秦晉之間而見夫廟宇之巍峩與夫民居之高大華美視南方又不啻倍蓰此豈非福田利益之說有以動其中也乎不知倫苟不明則有朋友而反目相噬者有昆弟而鬩牆起釁者甚至有父子參商如賈生所謂耄鋤德色箕箒諛語者至夫婦為人倫之始不明倫則夫綱不正有縱其婦冶容誨淫且鳴晨兆禍者若此之寡廉鮮恥固難望其為信友為悌弟為孝子為忠臣即刻桷丹楹彼聰明正直而壹者其肯降以福乎此固邑令德教之不明毋以登是堂者遇鄉飲只博

大介之名值釋菜第循歲時之例以至讀法講 諭
胥視為月吉月望之常有以階其厲也歟則是堂更
不可不美矣美輪使目覩者顧名而思義矣然舉公
務以振地方邑令之責也借公務以自封殖爾地方
或不能無所疑今與諸君約立大總理二十人司一
切鳩工庀材之事立簿六十本按五路之大小給簿
之多寡每簿限勸捐五十金多多益善即擇其路之
公正紳士一二人或四五人為首毋論農工商賈樂
輸者聽其分金則肇自五錢貴其益而不責其損其
收取則約以麥後受以夫而仍受以需其收繳則限

以今冬以便豫比其蓄之大小為鼎革之豐節其出
入筭鑰則大總理存焉統俟工竣公同核算有餘則
留以修別項其有乾沒者天人共厭之在邑令獨力
難支恨乏隨身金穴在諸君衆擎易舉甯甘袖手寶
山雖儉稱美德但區區者匪以畀余况風刺褊心此
介介者願勿復爾尚其各解慳囊俾得迪茲彝教斯
倫敘而戶盡可封亦典從而人皆古處為邑令者有
深望焉於戲邑令之言至矣盡矣第不知邑之人能
從否然令言固息壤也是為序敘既出各鄉紳士無
不踴躍樂從共捐金二千四百五十兩興工於乾隆

六十年五月十六日告竣於本年十月五日一切甄瓦木植俱係新製舊只存大柱四根外又蓋鄉賢祠二間修教諭宅及魁星樓東門城樓并儀門外糧房等處約費銀二千 百九十兩五錢四分維時勦斯役者教諭張儒前訓導馮國棟署訓導曹載炳訓導常相典史張廷堃例得備書敘作於乾隆五十九年十月碑立於嘉慶二年二月

重修文廟碑記

知縣李澍生

鍵為人

且士君子讀聖人之書行聖人之道而因以崇聖人之祀大聖人之居古人庚子拜經良以木本水源之

地未可一日忘也平邑 聖廟傾圮久矣予以朔望登其廟堂觀其禮器慨然有重修志而力未之逮也爰集諸紳耆與共商之都人士踴躍從公莫不傾囊樂助共募得銀三千二百三十兩乃命鳩工庀材涓期興作凡宮殿廡祠以及泮池櫺星戟門等處悉遵定制而重興之閱年餘而葺其事計甄瓦木石工匠以及置器鐫碑等項共用去銀三千三百兩零因入不敷出以書院積存銀五十兩益之按平邑十數年來士子厄於科甲落成之歲趙生垣即領賢書以是知形勝家培補文風之說未必皆無稽語也自時厥

後將見樸棧菁莪蒸蒸日上吾知其接踵聯翩干青雲而直上者正未有艾此特其發矚之一端耳工既竣將勒捐貲姓名於石因弁數語以紀其事諸生勉之予將為觀後效焉

重修文廟碑記

知縣張懷埜

廣昌人

我

朝自定鼎以來聖聖相承文明日啟禮教寔昌涵育薰陶蓋二百餘年於茲矣而尊師重道於

先師孔子尤為特加崇奉章采享祀典至隆禮至渥飭通海隅焉平陸為解之下邑

平陸縣續志

卷之下

藝文

三十

文廟規為亦云美備但自道光乙酉歲重修後將四十年風雨漂搖牆垣傾圮埜每入廟而心悚以為迄今不修日久益甚因糾集邑之紳耆等議興斯役衆皆踴躍思奮幸少齟差夫修舉廢墜以隆典制守土者之責也而邑之人亦皆謂禮教不修則士風不振士風振而後人心可深固而不搖美哉其見之篤矣於是分鄉募貲萬衆一心共得銀二千二百兩零爰諏吉鳩工即選邑紳等二十八人分班督理自大成殿而下以及崇聖祠明倫堂並文昌祠魁星樓節孝祠罔不次第畢舉敗者易之缺者補之漶漫

不潔者新之而後煥然有以改觀焉工將竣會堊調
署安邑而玉山馬君少巖華君相繼蒞任樂終其事
以勸茲盛舉抑何後先輝映哉夫世運有或陂之時
而人心無一日之息

聖人以其教範天下於日用飲食之中而使咸曉然於君
親長上之分任天而動樸而愈篤故余蒞茲數載凡
所以與吾邑相安相資而幸免負愆者豈德之有以
感人哉蓋至教之維持有自而遺澤之在人心者遠
也則今日之亟興斯役也豈容已哉衆於是皆欣然
以解曰謹受教請即書其事而誌之工起於同治四

年三月至五年十月而始竣總計費銀二千二百兩
有奇巔末既具因復綴數語使鐫諸貞珉以告吾故
邑邑之人果能默體此意講求於名義之閑涵濡於
詩書之澤羣相砥礪以厚其俗一為所用尤當臣樹
忠子樹孝士樹節義以求副
國家立廟之至意余於邑有厚望焉豈曰掇科名濡升
斗而遂為吾道之光乎至

聖德之大與天地參吾人日戴天而不知天之所為高日
履地而不知地之所為厚顧欲以管窺蠡測之見望
宮牆而妄贊一辭吾則何敢是為記

重修城隍廟記

知縣吳逢甲

稽古祭法凡功施社稷德若生民者血食之若山陵
川谷興雲雨裨財用者率皆致禋矧夫

城隍衛國佑民澹災錫福思所以報功崇德血食為宜
我

聖朝化光宙合理澈明幽以城隍保障一方

勅守土立廟而俎豆之府爵公秩視二品州爵侯秩視
三品縣爵伯秩視四品庸隆功德禮制允協平陸之
有城隍廟久矣康熙十一年乾隆二十五年邑令徐
吳錦潘鉞陳慶相繼葺修率仍舊貫就簡示樸亦罔

崇大奉行既久歲月益增風雨漂搖木石傾泐不惟
弗克容祈報之衆將妥 神靈展禋祀典禮亦漸缺
如歲丁酉余來守茲土謁廟日見其傾圯特甚慨然
有新大之志住持晉信成亦諄諄以倡修為請余固
知斯役之不可緩也特以平邑僻處山隅土磽賦薄
自乙亥地震民居蕩析物力凋敝近雖漸次安集而
頻年未獲有秋夫興滯舉廢有司之責也哂衆從欲
有司之過也責無可辭過不可任因諭住持姑俟異
日非狃便偷安之謂謂為治之道先成民而後致力
於神神依民而行顧可急不暇擇以事神者而累民

乎易繫辭曰天之所助者順也人之所助者信也惟履信思順故天應人合比歲以來風雨和甘年穀豐稔民氣之鬱者舒民力之絀者奮乃聚邑父老子弟而告之曰廟功之興此時其可聲非加疾應者自遠輸力輸金懽欣恐後於是選工掄材課日鳩役凡棟楹欄檻之朽腐者易之瓴甃甃石之缺壞者治之黝堊丹漆之漶漫者鮮之拓基址之狹隘極結構之崇閎飾重門翼兩廡鯨鏗鼉擊鳥革翬飛而且塑繪莊嚴聲靈之著也侍衛森列宿直之儀也昇墜窮形人鬼之別也善惡分司禍福之驗也紊宿有所儀仗有

庫住息有廬庖溥有置工始於庚子之秋工竣於癸卯之夏垣繚言言樓閣噦噦門闔崇深殿宇突邃過者悚心入者惕息厥衆庸容厥祀庸展厥神庸妥厥禮庸 瑋麗之觀壯乎百代規畫之彥萃於一時蓋集衆力積數稔而後相與以有成也丐余誌石俾後之視今亦猶今之視昔昔之未更新新於時乎始昔之未增大大於時乎成嗣而新之大之又弗克弗有待於後人也因揭始末並臚董事之姓氏捐銀之數目以告來者

創建三聖廟碑記

知縣華 鏌

聞之有功於民者則祀之凡神皆然而

三聖為尤著 呂祖自通籍後道究天人專以利濟為懷
扶危拯困救災除青其靈跡丕顯固昭昭在人耳目
間至如禱陰祈晴雨暘時若則惟 龍王生死骨肉
沈疴立起則又莫如我 華祖師焉三聖之有功於
民者如此故馨香俎豆徧及寰區而維我古虞尚稱
缺典守斯土者得無歉然余下車伊始即欲創建以
時值多艱人不遑處有志未逮者久之戊辰歲時和
年豐遂與諸紳耆相議經營斯役相址於城內西南
偏得吉地焉規模宏敞即昔之常平倉舊迹也僉曰

此真可以妥 神靈肅拜瞻矣爰與同寅創捐繼令
紳士量力輸貲並募諸各鄉鎮共勦盛舉得白金壹
千肆百有奇於是鳩工庀材創建正殿三楹獻殿三
楹演劇樓東廊房各三楹又厨室一楹照壁圍牆大
門角門咸次第畢舉是役也起自春仲迄於冬初不
逾年而大功告竣非三聖之默佑豈易若是之速哉
廟初成四方士民祈禱供獻者接踵而至曰邑之有
廟吾父母之力也今茲以往雨暘時若當無患旱澇
之頻仍矣沉疴立起當無憂疹疫之流行矣扶之拯
之救之除之當無危困之足懼災青之可虞矣是又

皆吾父母之所賜也余聞之愧甚曷敢假神庇以邀功然凡所以為是舉者固為神之憑依計亦實為吾民之祈福計耳禮曰有其舉之莫敢廢後之君子蒞斯土者擴而充之以光昭

三聖之盛德而為吾民貽福於無窮則尤余所切望者也
是為記

創建陸公祠記

知縣吳逢甲

令宰一邑與一邑民近與一邑民親一邑之休戚即一已之休戚而孳孳以民為心者不知有已祇知有民民之樂已不必與同民之憂已不敢與異甚至肫

平陸縣續志

卷之下

藝文

三十五

誠激發頂踵亦捐古人所謂命在養民而不計死之短長者其前大令陸公之謂歟公諱樟字香嶼號存拙浙之山陰人嘉慶壬戌進士以

咸安宮教習選授平邑抵任後首修

文廟忠義節孝等祠尊崇學校興修水利禁戢奸徒勤斷訟獄凡所以養士治民者經畫不遺餘力靡不愛之如父母敬之如神明矣乙亥九月邑地震水沸山崩壓斃無算爾時呼號愁慘之情真有耳不忍聞目不忍睹者公慈愛之心根於天性躬親撫恤之餘輒哭禱城隍願以身代越日震又劇公倉皇對衆而

泣曰爾等慘膺斯劫幾無子遺予實不德何忍生為
當斯時也平之民既自苦其蕩析而又哀 公之殉
斯難也申乞大吏以聞於

朝得

旨照軍營病故例賜恤

恩蔭其二子隨有議捐資建祠妥 公靈而報 公德者
以瘡痍甫息物力凋敝未果而歲時必附祭於村廟
水旱疾疫禱無不應 公雖死 公猶生也道光戊
戌余來蒞是邦下車詢求地方疾苦及前尹政治之
得失紳士仝玉年等僉述 公治平凡六年某利

平陸縣續志

卷之下

藝文

三十六

公為民興之某害 公為民除之而尤惓惓於地震
之變 公能以死勤事合詞請建祠報祀余因之有
感焉乙亥之役去今已二十餘年矣非 公之仁心
惠澤有以入乎民之深何以至沒世不能忘非平之
俗厚民醕有以出乎心之誠何以歷久而追思未艾
是舉也 公之德愈以昭平之俗愈以善爰據情詳
諸上官蒙報謂可因下令於衆曰願建 公祠者聽
一時士民懽趨恐後卜地於商傅相祠之右鳩工庀
材凡諸經費悉樂捐輸余亦分廉以襄其事前為門
一楹南向後為堂三楹中為亭一楹先是 公於治

後之西圃構亭曰留蔭其額 公手書也茲亭之成
余移其額懸於亭北復敬誌數語榜於亭之南平之
父老子弟庶得伸其愛敬之誠而春秋享祀見 公
之手澤如親 公之色笑矣工竣日諸紳士請記於
余余因就所聞見者並其端末以誌之

邑侯魏公德政記

咸陽令宋時際

夫平陸為古虞國襟條帶河跨芮連垣傅巖盤礴於
左砥柱環拱於東在昔最稱名區顧頻年彫殘人文
蹇否魏侯甫下車發謀振刷興頽舉墜剗夙弊革積
役禁伏豪猾優卹民隱儼若慈母於子不忍一朝不

措衽席會監司詹公行部及覩羣峰翠合水秀山明
憮然曰地以人靈人以地傑迹其形勝吾浙慈谿頗
肖何彼才藪此寥寥也毋乃龍山差弱來水無情乎
君曷圖之侯欣然以興無勑有為已任郭東築臺建
閣寵窅峭麗巍然大觀也又去縣治二里許開渠引
澗水由北門入折流公署抵儒學注之泮池逶迤旋
轉而出灌溉民田公私兩利然又巡行阡陌凡田畝
傍浹或引渠鑿井或製水車各因形勢俾人無遺力
斯地無遺利灌田計三百餘畝民用歡悅咸以叔度
壽侯由是日為提醒警惰勸勤凡一切懲罰用以佐

工役不勞民不傷財也其他如葺學宮勤考課主在
伸士節振萎習集羣英涵而育之士有孚格之化焉
至於鼎建臺榭帡幪廳事咸侯之經始而成也以故
諸士戴德勒貞珉用垂不朽邑博王君張君不憚百
里使丐余記以余辱在鄰封也余稽往牒魏史起引
漳水以溉鄴而民歌稻梁李冰壅河水以灌蜀而野
稱陸海鄭國開涇水渠而關中無凶年以至張恂勸
課農桑優禮師儒人歌詠之至今照耀汗青垂光百
代是皆以德行政愛民如子而民愛之如父母也乃
侯以一身而兼四君子之長豈非一德之昭宣哉大

抵宇宙沖和之氣在天為和風甘雨鍾於人為慈祥
豈弟唐虞三代遐哉弗可尚已其後瀟漓相半賢豪
閒出有如四君子者勛業彪炳萬世之下靡不景仰
後之視今不猶今之視昔者乎於是乎書以風方來
詹公名思虞庚辰進士浙江常山人邑侯名學徵乙
酉拔貢陝西咸陽人

普公遺愛記

元進士張 昌

寄百里之命生民之休戚係焉者惟縣官為然蓋得
其人則民樂以休非其人則民憂以戚此古今有天
下者所以鄭重其選而不輕授也皇元定制縣設官

三員曰監曰令曰簿監多以國人及色目為之彼公廉才幹知民社之寄為重者固以惠下為心而貪暴機黠者大率營私計而已朝廷審知其原乃以六事責守令故其選益重而人知自勵矣至正十年濟南普公來監解之平陸蓋由國生充太常知印滿考而除是職也公天資明敏學問宏裕其治邑也一以子民為心平陸地濱大河民質而野公惟靜以鎮之初政民畏以疑期年民愛以娛每東作時介騎減從自買餅餌往來畝畝中集農人而勗勞之莫不感悅益自力故禾麥桑棗之茂鬱然蔽野而歲常無歉焉暇

則謁學宮禮師儒列子弟於前諄諄勸誘而子弟益勉於學其聽訟必據情理反覆省諭民至有自相解紓其爭者盜賊畏威或涉其境輒復避之常平有倉必擇吏之廉有守者以司其出納故無折損侵牟之弊比以賊頻倡亂大軍南征飛挽芻粟仰給河北晉甯屬邑供億居多公定其戶口上下適均催督輸送民皆歡趨而事畢焉較之他邑挾公肥家使民重困而涕泣吞聲者大相懸矣邑有三皇宣聖廟歲久頽剝公割俸金倡僚吏鳩工萃材葺治之必完美而後已以至社稷雷雨壇墀無不致力興修其釋奠

先聖奉羣祀必躬必敬其待僚佐人得其歡心而於臧吏則不少假焉時總轄別公魯卿聞其治狀以事抵邑慇勤勞苦而去遇歲時通節慰問其獲上之推獎者如此民方望其久任以終其惠而瓜代已及知既不
可留借乃與耆老張瑞等謀琢貞珉以紀其德政且不遠數百里託校官張君狀來謁予文吁君子守官初非上求人知下求民悅也特以奉大君之命盡職分之所當為者耳若今之承流宣化能悉心以盡其職者百不一二數如普公者政雖施於百里而實可推於天下澤雖止於一時而德之在人心者實存於

不泯况今天下多事朝廷急於求賢公以特達之才異時居要路決大事俾惠澤周及於羣黎當有太史氏大書不一書者咸自茲一邑之政始予故不峻拒使其民歸而刊之於石以考其終垂諸不朽焉公名普顏不花蒙古人

張侯善政記

貢士陳

咨

陝州人

古之受一命而蒞乎政苟據誠摠忠子惠元元民未有不孚其心而化其德唯操持不易介然而特立者能之至元癸未之二月望日滎河縣史范益守晉甯路掾張亨仲奉平陸張侯治狀航河而南踵余門曰

侯之宰吾邑三稔於茲今秩終而行遽耆壽壯稚謀
遮留而不得侯公直廉介欲鑄之堅珉庶可慰吾之
望余曰陝與平陸相距一牛鳴之地嘗恨阻天塹洪
波未獲與侯傾蓋一際然侯以進士起家初判解州
拯荒饑之民調令聞喜雪沉寃之鬼及為平陸鋤斂
傑黠平反誣獄訟簡賦均戶增盜息嚴廨宇以竦具
瞻浚石渠而興灌溉崇三皇生民之祖闢四野衣食
之源辭果實之遺卻苞苴之饋之數者固先務之急
可謂不負所學不愧於古之士嘻為政若此斯亦媿
矣由此言之則冰乎其清玉乎其白雲垂澤風抗高

者不專美乎昔人又奚必鳧鵲擁行鬼神破膽鸞翔
庭鳳集境然後始稱異治耶侯名敏字叔重耀州人
名宦祠記
知縣丁一元

甘棠致頌南人切善政之思袞衣興歌東土感忠聖
之德蓋惟人有不諼之實行而後人心有不容已之
至情此理之自然不可誣也書曰善政養民又曰撫
我則后官以撫字為政民以得所為養是上以赤子
愛民民以父母敬上一體之情就之而慕離之而思
況去後有不思之者乎考之平陸為晉劇邑披山帶
河俗多頑愚蒞茲土者每難之人名宦祠者粵元時

有耀州張公諱敏以進士令本縣惠愛之政載在邑史民到於今稱頌不衰迨我皇明啟運至正德乙卯直隸河間李公諱銳以鄉進士來釐茲土清風襲人陽春育物政行教舉吏畏民懷恢恢乎與斯民相安也時旱甚公以至誠禱之輒大雨歲即豐稔民咸賴之三晉稱循良者以公為最聖上嘉其賢調繁安邑去之日百姓攀轅卧轍如失怙恃厥後官至平定刺史比數年民益惓惓不忍忘相與繪像歲歲享祀時當道者聞之歎曰善政之得民也有如此夫請入名宦祠以春秋致享雖以報德亦以昭人心也嗚呼人

心感惠未艾故其報祀之者亦未艾也非公之德澤入人之深何以致是質之張公前後一轍所謂善政民安撫我則后詎不信耶公之去平陸已五十載有餘矣惟其德種於人者深是以慶衍於後者遠誕孫臨江諱采菲以名進士受欽命監察御史巡按山陝清理軍務按臨平陸謁祠而祀之永孝思也時父老爭往觀之如復見其父母焉噫益見李公德厚流光仁者昌後之驗與嗚呼休哉知平陸縣事東萊丁一元初至任謁學見祠無記憮然日記以志不朽也入祠而無言以記之何以信今而傳後乎遂詢之僚屬

稽諸輿情勒石以記其事俾後之任土觀風者有所效法云

邑侯丁公記略

縣丞洪君瑞

夫二侯遺愛記在人心顧無以表而章之我太和丁公甫下車即毅然心二侯之心行二侯之政子惠民焉爰為茲記則二侯心政益章於天下後世者公之功也矧公屢樹邊勛節承帝賚異時不與二侯並列其美耶因謀諸僚寀參諸士論志邑史以致景仰之意云

重修傅巖祠墓記

傅克欽

平陸縣續志

卷之下

藝文

四十三

中條以南兩山之峽大河東繞為商賢相傳所隱地曰傅巖舊有祠廟其來已久燼於元初縣尹福童修續執中所云崇明祀化齊民一舉而得者也明嘉靖閒以地震圮邑令馬義吳守禮踵相增建後齧於水副憲王公捐俸西徙以遠水患康熙三十八年邑令王匡國又重修之夫傅相去今數千年而祠廟屢經修建豈不以三命首倡學術道統由此彰治法由此懋有功於萬世哉明呂仲木理學純儒嘗謁巖祠為之詩序巡院內濱公嘆為真聖人所產之地我

皇上右文稽古

製論褒崇謂君臣相得益彰堪與帝世之賡歌比隆則
祠宇之所關也實大余家間中建陽去傅巖四千餘
里而族譜首載傅巖圖考志姓名所自始也後服官
晉省去傅巖或百里或千里不在治境今歲六月攝
篆解梁傅巖在所屬之平陸境邑令趙公來謁商確
政務閒偶語及傅巖祠廟則云圯矣且馬跑泉左墓
亦幾平余聞之竊念夢中影求千載奇遇精英上炳
列星而顧頽廢苦涼風侵雨蝕橫莽而走甃齷修葺
之事非予守土者責與况姓所自始水源木本不容
昧安可委為異人任耶爰出廉俸修祠及墓鳩庀之
費惟出已資而以趙公襄厥役范尉職其勞閱兩月
工竣乃記其事而勒諸石

潘公渠記

楊雲翼

天地有美利而裁成輔相之能起焉自非心誠子民
者不克建從前未有之功而貽嗣世無疆之利也平
陸縣東十里有盤南澗可資灌溉而隔於山從來蒞
斯土者不知其幾過而不問者比比也閒有留心者
或以功難猝就而輒止或謀鑿山疲極民力而迄於
無成我公以山左名宿照臨茲土一見即異之既協
二三僚屬沿山溯流相其形勢或援已事為辭公曰

是不難但鑿山非策也不如繞山紆曲而行而攝衣
徒步跋磽确躡崎嶇陡峻嶺瞰絕壁授以疏導之方
略衆心難之而勉從其令爰卜吉鳩工乘農隙而間
作號令風馳畚鍤雲集簡其騶從而時巡之始之勉
從者繼則樂趨矣且物料取諸官府犒賞捐其俸金
勤於省課而究未嘗嚴以督工遂期月而告竣渠底
三灣功高九仞水來山上農忭畝中十餘頃胥沐甘
霖人人歌呼咸頌公之德而祝公之壽也所謂民難
與慮始而可與樂成者非耶噫自有此水以來議開
渠者屢矣而終不克成而成於今日豈利興會有期

以待乎公耶抑天欲惠我民而俾公筮仕於茲耶以
是知天下事凡畏難而不為有初而鮮終者非功成
之難而無誠心以貫乎其中也我公以愛民之實心
行利民之實政往來之頻不輟寒暑區畫之周不遺
纖悉肫懇為民之一念已足令斥鹵徧桑麻而況計
畝起夫計夫分工計工播水其立法之善又有以作
其勤而息其爭端乎衆皆踴躍奮興鼓舞不倦以成
前人難成之功而貽萬世無疆之利也歲成報社優
勞衆役人歡神喜寒谷生暄繼自今此水長流我公
之德與俱長矣時康熙五十四年歲次乙未孟夏潘

公諱鉞字清聞山東濟甯人

重修大禹廟官道記

知縣余正西

平陸古虞國地北距條山南瀕大河為三晉奧區而茅津在縣東二十里市廛鱗次商賈雲集係貳尹分駐之所稱一邑巨鎮蓋地當水陸之衝值八省通衢自虞版以下依山鑿徑綿延百餘里扼關陝咽喉由晉入豫者道所必經故皇華冠蓋之絡繹仕宦商旅之輻輳紛至沓來不勝紀計而三晉鹺商輦運鹽勛尤當孔道惟地勢險阻澗壑幽深出其途者恆以逼仄湫隘為憂余下車伊始即擬稍為開拓猥以諸務

倥偬未嘗遽及戊申秋適鄉約王秉強紳士陳凌霞等以該鎮大禹廟官路北面逼近深溝入夏以來被暴雨衝塌入溝不能行走稟請勸修前來並准分縣牒移當飭該房督同工匠估計親詣驗勘其崩壞之處約長十餘丈均當行水衝要所在非用石塊灰勛砌築不足以資捍禦惟工需甚鉅非千金不辦因稟明各大憲並傳諭紳民俾為輸貲以襄厥事經河南會興鎮運商首先公捐制錢五百千及各村鎮鋪戶鄉民陸續共捐制錢一百四十餘千因屬分縣倬菴王君就近督令紳士專司其事輦石畚土諏吉從事

度其基址之尤隘者買民居以擴之慮崖岸之易圯者築長陴以衛之掾陜削憑千夫鱗集遂使險巖之途頓化康達前之車不容軌者今可長驅並駕而無復窘步覆轍之慮工興於戊申季秋至己酉孟夏七越月而告成是役也余忝膺守土責無旁貸或以惠及行旅為余德予則何敢工既竣爰述其顛末而為之記

縣丞王雲漢重建牌坊並修官道記

茅津居晉豫之衝負山面河水陸交會實古虞之奧區在春秋時秦晉紛爭藉長河為天塹穆公取王官

及郊遂自茅津濟則茅津之名由來舊矣方今我聖朝重熙累洽舟車所至無遠弗屆縱南北而無陂無偏橫東西而會極歸極猗歟休哉且

制令煌煌每屆孟春及秋成之日各大吏遴派委員歷行州郡俾橋梁道路修葺以時是即木鐸徇路雨畢除道之盛典而賢有司承流宣化涵育拊循即一事之廢興上關政治之得失下驗民風之淳澆非淺鮮也平邑東偏所轄遼闊茅津為貳尹分駐之地比屋鱗集闐闐駢羅為一邑之巨鎮扼八省之咽喉自虞坂而下鶴膝羊腸依山開道百里餘盤桓屈曲借葦

杭以達於崑函陝虢之間冠蓋所常經輶軒所必歷其輿徒馳驟負販絡繹者更日相踵接奈湫隘囂塵民俗漸失淳樸自前任琢亭父臺蒞任斯土即以整風俗利人物為己任實德實政饜餒人心撫字十年其修廢舉墜不可枚數更以闔鎮藩籬未備風氣散而不收先於鎮之首尾建坊二座一題曰茅津古渡誌其名也一題曰豈弟君子存其蹟也由是彈丸衝要煥然改觀文物聲名蔚然特起而鎮東大路適當水口每風雨之侵嚙行潦之沖刷偪仄窘步車不容軌行者病焉方欲化險為平而計費浩繁正區畫經營乃旋經改任有志而未逮竟難觀於厥成然而莫為之前雖美弗彰莫為之後雖盛弗傳越五載而嗣君倬菴父臺繼蒞斯任父作基而子述世德本於家傳不憚艱辛慨然修繕顧大厦非一木能支大工豈一人能就遂亟請於上臺並蒙余秋門邑侯力為獎勵共捐廉俸以倡輸將擇醕謹首事者刻日鳩工築登削憑任勞任怨高挹懸崖多補闕而苴漏俯臨邃谷已實壑而崇墉興工於土猴之年葺成於肥雞之歲易狹隘之規模為蕩平之道路歷七月而告成美矣善矣占履坦樂周行者第知為倬菴君之勤終慎

始備費苦心而不知存心利物潔已奉公實賴有傳
家治譜以繼志而述事也從此康衢鼓舞載道謳歌
於前則嶺嶂雞鳴遙為拱衛後則泉飛馬跑近與追
陪右環九曲之渡漾漣漪而委折左峙中流之柱興
霽靄而崇隆靚繡錯於芳塍秋田稼穡數鞭絲於帽
影春樹人家敦風俗遵道路不惟賢二尹之世有造
於斯邑亦足為郅治之休徵也宜垂貞珉永誌不朽
爰綜事之本末而為之記

邑侯李公德政記

田世豐

邑人

公名鍾淑字平侯號春圃山東濟甯州人歲丙申奉

命宰吾邑越數年民康物阜百度俱修乃篤教思闢蒙
學於縣之北郭集邑中子弟延師課讀創造聿新規
畫詳盡與傅巖書院兩相輝映浸浸乎文教振興矣
先是邑人多貧後生輩往往嬉戲自如或日事樵牧
莫能向學識者惜之今公之為是舉也人知詩書之
腴戶有絃誦之風是一時之作人真千秋之盛事也
夫學校者文運所攸關教化者人才所由育以公之
嘉惠後學崇起教化將見文運開而人才出綿綿延
延流傳未艾所謂小子有造馴至於成人有德而不
愧為譽髦之選者悉於是乎覘之則公之大有造於

吾邑也豈其微哉今當報最入覲將擁朱轂而憑熊
軾爰勒諸石以誌感戴之忱云

傅巖書院亭亭亭記

閻海林

解州人

南都賦曰狀亭亭以苕苕形竦立也愛蓮說曰亭亭
淨植喻高潔也后山詩曰亭亭無倚汙言品行之卓
立也亭亭之時義大矣哉是亭也特峙少傍面瞰荷
沼而為學人息遊所舊無名以此肇錫之亭之亭亭
耶花之亭亭耶抑人之亭亭耶遊於斯者會心其不遠也夫
重修茅津官道水口記

茅津平陸之古鎮也三晉名區兩河勝地條岫嵯峨

平陸縣續志

卷之下

藝文

五十

於其北波流湧洶於其南西接閭田二國留質成之化
東連砥柱三門仰疏鑿之功此固賢豪接踵之所居
而亦行商問津之所出也爰考輿圖素通驛路惟茲
山谿之險適當南北之衝大河橫前問津必招夫舟
子囂塵蔽野牽牛難數夫販丁稽東偏近市之隅有
西向臨崖之路懸流瀑布片時則溝壑立盈大雨盆
傾平地則江河若決溯版築於昔日經營莫保億萬
年變滄桑於今朝崩頽已過十數丈居者臨深而浩
歎行者懼墜而徘徊時在咸豐值五年六月之半雨
流如注變終夜一朝之區邑侯予老父臺迺召鄉保

迺集紳耆謂保障雖關一方康衢實係四達往來商旅勸捐資以修要途密邇村莊謀助力以襄盛舉告竣於戊午之歲制錢共計二千緡興工於乙卯之秋畚鍤相持四五載從此有基勿壞墜者舉而廢者修伫看履險若夷衢為歌而巷為舞遵蕩平於王路遐邇咸樂坦途垂久遠於貞珉始終用詳盛事銘曰六月既望大雨其滂壞古道兮傳野之陽無棄我鄉無阻我商成斯舉兮版築之旁條山蒼蒼河水洋洋予父之德山高水長

孝烈何娥記

馬虎偉

姑蘇人

論語有曰匹夫匹婦自經溝瀆固弗取焉然非所論乎身殉孝烈出於天性如今日何娥之從容就義視死如歸之一事也娥鄉農貧女父守臣早喪一兄癩廢三姊俱適人惟與母尚氏瑩瑩相依歲饑拾穀供母竭鍼刺勞瘁於家且慈順性成溫清如禮故母亦鍾愛弗輕許人年雖笄而未字也甲戌六月己亥尚氏病歿初母病作曲謹侍奉病篤時誓天身代死後含殮營葬竭盡艱苦蓋因兄疾廢身兼子職或世之賢女間亦有之惟娥念母恩之未報也苦一身之無依也更慮潔白之冰操恐有強暴之覬覦也繞瑩而

號泣者五日夜不絕粒米不沾口誓必一死報母一
死完身雖親鄰慰解矢志不回竟於癸卯日自縊於
墓前嗚呼忠孝一理節烈同揆使娥而為士夫必忠
臣也為男子必孝子也事翁姑夫婿必節孝婦也此
誠可風世振俗維綱持紀而使頑廉懦立有功於名
教者豈淺鮮哉古虞三代甸服遺化獨切而且砥柱
潞洹中條綿延山川靈秀鍾毓尤深是以巢許之高
節傅巖之賢良虞芮二君之讓德之奇百里之忠智
周將軍之義烈代不乏人今娥後繼前美而身任綱
常若此豈非遺化之感人深而川岳之鍾毓淵源有

由來者耶

聖朝首條風化有善必旌邑之紳衿士庶咸樂其事請
於邑侯金刊石以貞珉焉頌詩以表揚焉屬_偉述其
概以俟採風者進之珥筆詞林以垂於青史云

茅津丞廳題名記

縣丞陸以耕

茅津古為渡控豫鑰冀要且衝焉舊設巡檢司鹽車
往來河防急緩實典實察顧於秩微甚無以資鎮輯
嘉慶間 巡撫伯公請於

朝更為丞丞間曹也而是之責成則與令等凡有事得
直達監司及大府大府有急符亦徑下丞丞之繫於

津如此其重也南服邇不靖中州數困蹂躪長蛇晝
犇黠鼠宵竄津南直陝汝防遏之重與譏察之密蓋
兼迫焉津故設平垣營遊擊守之及其警也防兵雲
臻霧屯紛紜雜沓供億縣令事而巡詰偵報籌布調
輯之責乃交萃於丞則其於職又綦難也士君子讀
書入官衡其意量率務遠大丞簿末秩則皆以為抱
關擊柝罔足措施又或感戚遭遇以自頹放略其職
而弗思舉余滋懼焉比寇氛稍疏散矣狼烽在臺何
敢自弛爰哀前蒞斯土者姓名勒石廳壁並書更置
之由與職任之重蘄諗後來實自責焉而撫膺殊惴

惴已

修茅津坡路記

知縣劉鴻達

中條之陽有茅津茅津之地境衝而勢阻亂峰競聳
濁水奔流其先為古茅城又以臨流設渡故曰茅津
街內有南北路一條為八省之通衢而車不方軌馬
難並轡且崎嶇不平至渡數十丈有陡坡兩崖夾拱
一遇雨水沖陷更為行人之苦則通衢也幾為畏途
矣往歲時和年豐商民富足猶時時平治以利行人
至大稔後商賈星散民各餬口不贍奚暇治道途哉
已卯秋余奉檄權篆茲土貳尹陸公號再莊濟人情

切屢與余面商所以修治之第以瘡痍甫起不忍復
征力役躊躇未果適江浙協賑局候選道金苔人觀
察來晉助賑見義勇為慨捐制錢三百五十緡再莊
與余賴茲鉅資遂邀陳生仲玉吳生寶仁覓匠購料
逐日監工三閱月而工遂告竣但見料實工堅陂者
平窄者寬昔為險境今成坦途於是輓鹽車者載雜
貨者牽馬牛者任負戴者以及官商士民遨遊於晉豫
者無不欣欣然而樂由蕩平之路焉再莊與余亦幸
是工之成而樂金觀察濟世之志已遂且願後之君
子相維於不墜也於是乎記

文

邑侯柴公像讚並敘

貢生李 醅

辛亥解梁柳德妖言惑衆謀為不軌事發誣引鄉人
靖爾室等羈禁犴狴九死一生甲寅之秋侯甫下車
廉其冤狀申詳撫憲達公奏請省釋咸俾甯家不惟
明能昭雪抑且力能回天爾室等感切銜環報矢結
草因繪像焚祝踞懇讚言謬申數語以誌感懷

維公之貌廣頤豐顴維公之政惠愛敷宣嗟此陷溺
無辜顛連幸懸秦鏡剖晰矜全覆盆三載一旦洗滌
陰德深厚于公比肩位躋臺輔霖雨普天子孫振蟄

億萬斯年

喻虎檄

知縣馮遵祖

歸安人

昔先王之世禮樂政刑各得其所士農工商不逢不若凡虎豹檣杙之凶胥遠於魑魅魍魎之域罕與民相關爭焉故韓愈奉唐天子命刺史海濱鱷魚異類來害其黎庶愈為丈申天子之約諭之凡三日而鱷魚宵遁於外洋今古表著炳在史冊久矣今縣令奉天子符璽來尹古虞虞固讓田之舊里也唐天寶間掘地得寶刀上有平陸字因以名縣謂將削平山谿之險以驅怪獸毒蟲於榛莽之中也縣令初至山之

東告爾猛虎為害不啻再三即移丈城隍焚香叩首猶未戢足今特以檄檄爾夫爾雖秉凶鷲之性嗜甘肉之美然五臟靈根不異於人戴天履地皆 君王之士宇况 天子英明仁聖澤及山海含氣帶毛之輩無不知尊親之理享 朝廷之福爾迺敢抗縣令之命逆 天王之教是頑冥不靈在可殺之條者也今與汝約半月中遠迹遁藏當頒金雞之竿止烈火之焚儻怙終不悛則當選養由之射市烏號之弓擣猛石以為丸鍊硝火以為礮網罟在前狼牙在後九步一步步一發再發使汝命盡於陰山之穴宵號於頭

痛之峰野無子遺血滿窮谷爾試思之害生者可殺
逆 君者不赦擇便審處無自悞焉嗚呼昔漢臣異
政二虎低頭晉令廉明一蟲潛渡予雖政讓童恢官
遜宏農而 天子愛民字物遠過漢唐汝當上法童
家之虎下比韓君之鱷速斂爪牙無甘陷穽特檄

飭立社規約言

知縣潘 鉞

平陸為河東巖邑襟山帶河界連兩省實扼要地也
向來戶口殷繁閱至有明闔邑計編三十餘里土風
樸厚往往為采風者所不廢迨至兵燹而後繼以凶
荒百姓流離土田荒蕪向之三十餘里者遂漸減而

平陸縣續志

卷之下

藝文

五十六

為八里十去七八彫敝可知今承平日久而城市空
虛屈指邑中之椽止區區廿六家耳良由縣屬田皆
沙陡人鮮經營元氣一傷難以遽復邇年以來幸蒙
皇上恩膏疊沛 各憲教養並施凡桑戶蓬樞咸知懋
遷生聚亦幾幾五千丁矣夫戶口既增食指必繁際
此歲稔時和若不早為愛養以立永遠之規則旱乾
水溢聖世不免儻一值其候有不復蹈前轍者乎古
者三年耕必餘一年之食九年耕必餘三年之食以
備荒為散利之需者故堯有九年之水湯有七年之
旱而民無失所備先具也思古備荒之道如耿壽昌

之常平李惺之平糴法非不善而求其切近可行與民自便者莫善乎朱子社倉一法今余廣推其意而凡教民成俗之務莫不附焉因將縣治城關三坊及鄉村五路以寡附衆編為三十五社以期復從舊里之制耳凡一社之內如設社倉立鄉學宣 聖諭勸農桑等項皆教養之大端非有人焉以董之不可蓋興利除弊權在官長若布化宣仁端須耆舊議於每社中選舉鄉耆一人凡勸導功過之責悉任之而鄉耆之盡職與否其賞罰則邑令為政爾闔邑人民其各體余未雨綢繆移風易俗之至意羣相勸勉實力

奉行以共樂雍熙之世獲免意外之虞余日望之矣所編各社名目三坊則人和德化政成也中路則盤灣茅津商賢義勇太臣八政下郭也東路則沙延山門清泉土柱韓川箕山甯澗下坪也西路則沙峪平遠洪陽侯張常平中廣興讓洪池也東北則太寬張店興文牛村西北則龍源張吳皇華留史也酌定社約計二十條俱吾民淑身善世之良規保家裕後之要着余不憚詳晰臚列梓刻頒行合邑人民其永遵毋忽今附列其目於後

一 議舉耆長

一 議定社規

一 設立社倉

- 一宣講 上諭 一設立鄉學 一崇尚禮讓
- 一舉行社會 一祈報神明 一廣興水利
- 一修築橋梁 一紀錄功過 一清完國課
- 一教農墾荒 一平息爭訟 一勸藝果木
- 一牧養牲畜 一育飼蜂蠶 一廣習貿易
- 一稽查遊蕩 一逐娼禁賭

教養居銘言十則

知縣潘 鉞

心為身主是曰靈臺今此下民鞠為草萊刈之除之
昏翳漸開何以刈除秉德不回仁義是基忠厚以培
勒銘共惕以警將來 存心

平陸縣續志

卷之下

藝文

五十八

性具於人譬燈在龕光則外射理實中含隔龕索燈
渺不可探舍燈留龕暗如雲曇蘭膏日注靜影常涵
嗟彼下愚戕賊是甘 養性

漏卮承漿其津潛鑠不見其損終歸於涸人亦有漏
伊誰所作趨死不遑胡自殘虐弃機驅人詭曰行樂
我憫羣生示以良藥 寡欲

豺虎充斥日以畏途父兄相戒盛爾旅徒茫茫宇宙
詎乏崎嶇懵焉弗省子子而趨倚伏無常遞相智愚
利名何物殉之以軀 保身

言之在口矢之在絃勢雖難遏我尚有權先民具訓

抑詩著編甯為囊括毋多河懸夫何斯世齒舌爭妍
一吐一茹尚其慎旃 謹言

跬步不檢趨而得躋矧茲平生詎可或恣容與周翔
不妨密繳彼昏罔知輒曰姑試身敗名裂一跌奚啻
六經炯然儒者赤幟 慎行

維毛與羽人所競炫不知斯人亦百其面彼我互觀
何貴何賤銜齒橫目曾何足銜獨此倫常人禽一綫
尚慎旃哉敢行勿倦 敢倫

箭括舌盤行者爭界廣術平衢千人未隘宇宙甚寬
乾坤何大智取力爭徒爾狡獪已能容人於已何害

平陸縣續志

卷之下

藝文

五十九

舍寬就狹吁嗟天械 處世

毋曰事繁吾盡吾力毋曰民微父母吾職毋曰吾勞
念民未息毋曰吾貧念民艱食不敢近名不敢自得
卓爾君子示我矜式 服官

民吾同胞物亦吾族割韭烹葵自可果腹誰與老饕
甘心殺戮淋漓刀案慘難寓目快彼之死適我之欲
假息貪生軀身同肉 惜物

詩

條山蒼

唐韓愈

條山蒼河水黃浪波紛紛去松柏在山岡

條山

宋右拾遺王禹偁

崛起巨河邊奔騰欲上天遠臨滄海盡高與太行連
大塊橫為脊它山立似拳石膏耕舜耒石險任秦鞭
洞黑狂吹雨峰青冷罩煙店荒檀道絕寺古柏梯懸
崦露微茫雪巖垂淅瀝泉迸根通砥柱斜徑入閒田
北笑恒藏寶西輕華聳蓮三門遙托迹五老迴差肩
落實樵夫拾靈苗本草傳柱空擎雁塔影倒蓋漁船
繪畫終無手封崇必有年鹽池浮翠靄薰澤媚漪漣
陰壑乖龍蟄枯松凍虺穿圖經標數郡神異產羣賢
呼壽嵩何詔升中岱豈專斯文如已矣此地可終焉

平陸縣續志

卷之下

藝文

六十

暫看猶銷病頻登合得仙許昌休自負吾什亦名鐫

條山積雪

王翰

三日高眠閉小齋西山一望失樓臺傍巖松竹臻林
列當戶峰巒畫帳開青旆曉誇新酒出玉蓑寒駕小
舟來披衣閒拓巖窗看原上鳴弓獵騎排

砥柱鳴瀾

王翰

一柱亭亭似削成崖深雲冷古苔青洄波浮沫雙輪
轉巨浪漂山萬鼓鳴鬼鑿尚留神禹迹龍圖高拱帝
虞靈於今世代當承瑞直待何年始見清

箕山夕照

王翰

行盡箕山第幾重
亂峰高下夕陽紅
泥塗軒冕夔龍
上土木形骸
鹿豕中洗耳溪頭
餘曉籟棄瓢巖畔有
寒松自從避讓
歸何處一入煙霞
更不逢

閒田春色

王翰

斂衽重尋瓜瓞詩
二君被化聖明時
人心似日雲煙
蔽聖德如天草木
知風暖平原花發
早雨昏高樹鳥
歸遲如今猶有風
流在阡陌縱橫不
忍犁

虞城暮雨

王翰

凍雨森森萬竹齊
獨驅羸馬踏青泥
顛軫礮險垣墉
護畢軫城荒蔓草
迷井伯不忠宜作
虜百奚先去更

平陸縣續志

卷之下

藝文

六十一

知機徘徊欲問鄖
門處滿目西風禾黍
低

吳廟秋風

王翰

句吳樹業向荆南
至德曾聞固讓三
永立武王原有
道受封虞仲更何
慚碑殘野火文全
滅樹響山風戰
欲酣禽鳥亦知亡
國恨向人嗥斷入
煙嵐

金雞夜月

王翰

二山雄峙太陽津
絕頂翹翹迴出羣
碧樹九秋含月色
黃流千古抱雲根
雨平故壘金雞出
水打荒墳石
槲傾幸際太平無
警急高原時見老
農耕

竹林曉鐘

汝南尚維持

松筠隱古寺鐘磬節清禪素落三天衲聲搖五夜蓮
佛香堪入定僧飯只隨緣空色聽雙樹鶯花拂曙煙
謁傅相廟
御史舒 遷

金闕夢迴千里外傅巖人在版塗中精神到此得良
弼事業中興配祖功古柏籠煙蘋藻地清波落澗聖
人風如何萬載長似夜醒眼誰曾問魯東

渡茅津

御史張士隆

路遶回巖花柳春秦兵曾此渡茅津青驄未到窮荒
日多少風光不屬人

條山

薛 瑄

平陸縣續志

卷之下

藝文

六十二

鳳節霜清千仞山羊腸路曲九盤關苔文薛文點怪
石珠樹瓊樹連迴灣玉女遠乘黃鶴去仙人飛跨紫
麟還一番勝覽濁塵外倒聽絕澗聲潺潺

平陸城樓

薛 瑄

獨倚危樓日向西洪河風起浪高低中條北去無多
路回首鄉關路不迷

留別士庶二首

宋志澂

嶽色河聲勢鬱盤綰符到此得奇觀愧無德政流行
速空有勞心夙夜殫聖澗不聞催版築閒田久已息
訟端欲為邑俗留淳朴不在斯民總在官

賢侯指日返霓旌好看兒童走馬迎數載推心真父
母三旬失面幾蚩氓召棠豈是新栽得鄭錦由來舊
製成戶有詩書田有畔安居樂業享昇平

主講勉諸子詩

杜若拙

老馬何曾識遠途同遊不棄愧蘇湖鄧林春望多嘉
樹渥水西來愛駿駒鐘鼎功名留異日濂閩德業在
吾徒莫嫌絃誦勤條課至味難忘是道腴

歲暮辭館與諸子話別

杜若拙

一年相對細論文大雅扶輪樂有羣遜志常研圖與
史惜陰須較寸兼分卻慚一得終無補漫溯微言許

平陸縣續志

卷之下

藝文

六十三

共聞素業三冬應足用乘春翹首待風雲

主講留別諸子

進士閻海林

飛鴻來去笑無端又得虞城兩載歡塞道多歧慚馬
識雲程有路待鵬搏三篇說命真儒術萬里黃河大
筆瀾法象眼前知未遠層樓更上聳吾觀

歌

烈婦趙某氏歌

並序

賀寅炳

烈婦某氏西滑村農民趙某妻也幼為洛陽人歲荒
轉鬻河北趙之父見而收之喜其溫順因婚定次子
而童養焉趙農家也而氏孝敬和睦出自性成為詩

書家所不逮既長合琴瑟甚篤甫三載而趙病不起氏奉侍湯藥晝夜惟謹病革趙執氏之手注而視之口不能言目亦不瞑氏泣曰君將不忍於妾乎當從君地下勿為拳拳也言訖遂瞑氏哀痛撲地屢欲求死而苦為家人所防乃於柩前哭奠日三次焉數日卜葬郊外氏挽柩而行哭泣盡哀路人為之泣下比臨穴封葬倉皇間氏忽不見瞬覩溝崖塵起比視之則氏已墜崖死矣時方盛夏天氣清明而溝通遠山潦水忽下泛氏屍於洪浪之中識者以為天洗屍也乃收而斂之葬同穴焉時年二十一歲夫慷慨赴

死學士之所難也况農家婦女與如氏者捐軀殉夫義不食言方之於古即城頽石化之誼何以踰此特擷芳貽世有賴史筆惜乎吾鄉之無其人也顛軫賀子聞而哀之乃為之歌以紀事以俟後世之觀民風者擇焉其辭曰枝上啞啞烏嘯宿少婦夜傍牀頭哭手和餌湯嚙夫婿夫口不下夫病篤憶兒生長本洛陽鸞來河北兒度荒初到夫家夫並小每學擲瓦卜鴛鴦鴛鴦見說有成命脈脈無言心兩定夫漸學耕兒學織從此安排攝家政盈盈始至三五春桃花嫩嬌怯風塵四目溶溶兩含意對人羞語背人親一朝

鵲羽填銀河洞房婉轉聽笙歌春來正學雙燕舞豈
意三載夫病疴牀頭奄奄死別難覩此慘情鼻痛酸
謂夫目瞑妾心安妾言出口不食言夫死妾當從地下
夫情戀兒兒豈敢嗚呼春繭未繅蠶先槁百年緣會
何草草山盟猶自在人間竟把初心負偕老已矣相
見永無期昏痛屢絕心自悲妾未抱子親又老兒何
生累高堂為從今呼夫夫不應自此哭夫夫不知靈
前酌酒日三次事夫猶如夫在時匆匆郊外新卜塋
出門手挽輜車行六月呼天肅霜落萬林鳥悲寂無
聲忽報溝曲塵起滅臨崖撒手意絕決可憐玉碎花
飛日化作杜鵑猶帶血此時天氣晴還明潦水忽下
石走驚千山濤捲冰姿起兩崖人呼珠淚傾語人莫
道天心癡天憐烈婦天洗屍

雜志類

夫志何取乎雜也大易有雜傳列史有雜志盡變例也蓋古蹟附變者滄海桑田地之變也林墓附變者幽明殊途人之變也寺觀附變者崇尚非常道之變也災祥附變者見聞駭異物之變也然因革之制運為之興廢之道繫焉隴木之拱賢為之表彰之義繫焉異端之攻人為之反經之道繫焉垂象之示天為之省惕之道繫焉君子能察其變而守其恆度則幾於理矣至卹典災稔官缺則詳記之其舊志錯誤闕遺則補正之庶備服官者之採擇焉誌雜記

平陸縣續志

卷之下

雜志

六十六

古蹟

見前志者不錄

魏侯城

按一統志城在縣北五里即古魏國晉獻公滅之以封大夫畢萬曾孫絳漢於此置河北縣屬

河東郡由此觀之則春秋以前縣非虞地矣

古焦國

在縣治東北五里地志古焦國武王克商封神農之後於焦蓋以焦水得名令其地有神農廟按

古焦國與魏侯城地址相近其後改為魏侯城歟令船家溝焦泉即其地也姑存之以俟考

砥柱峰

在三門東迤南黃河中流孤峰峭立斷壁巉高數仞石形如柱故名禹貢東至於砥柱即此

也孔安國曰砥柱山河水分流包山而過石見水中若柱然也

三門山

在縣東五十里黃河中水經云禹鑿河道三門既決謂之三門綱目山有三門禹鑿以通南曰

鬼門中曰神門北曰人門故名之前提學副使陳棐題其壁曰宇內大觀九年底績萬世永賴千尋丹碧

萬古風雷其他題詠尤多

米堆山

在三門東德宗時漕運經砥柱多覆河中有山號米堆舟入三門雇平陸人為門匠執標指麾

一舟百日乃能上今舟有下無上俗呼門匠為灘師運豫鹽者尤覓虞人指揮焉

錫窟

在縣東九十里箕山下有白玉窟名曰錫窟一統志箕山產錫即此今無

仙人膝

在縣東北四十里西山之麓石上有痕如膝世傳有仙人飛昇於此

林墓

見前志者不錄

虞芮二君墓距縣治五十里在閒田前東南隅

宮之奇墓在縣東四十里舊辛店里大冢壘壘傍有看

墳寺即永順寺今寺廢古冢尚存

柴王墓在縣東十五里劉家嶺東前列石羊石虎世傳

為周世宗陵恐非或言係其祖墓似為近之

平陸縣續志

卷之下

雜志

六十七

寺觀

見前志者不錄

迴龍洞在縣屬東侯村西建於唐代僧成園重建於前

明嘉靖九年

清和觀創建詳前志嘉慶二十年地震圯村人重修增

生令狐名嶽有記

潛溪前寺創建詳前志今土人呼為紫溝寺

蓋元庵在縣西三十里元里村創建詳前志雍正間已

圯改為西鄉義學後義學廢今建觀音堂

隆禧觀創建詳前志乾隆間為縣城之義學後義學廢

同治十年知縣劉崇禮按畝捐民以葺寺壯麗一新

祥異

乾隆三十四年八月彗星見東方長數丈橫數尺氣如
白練月餘而滅三十八年閏三月天鼓鳴四十一年
大有年六十年大饑

嘉慶十一年大饑人相食十六年九月河水大漲北侵
沙口壩頭二村數十步壞田舍甚衆知縣陸樟祭之
始息 二十年八月陰雨連縣四旬有餘九月十九
日夜有形雲自西北直互東南少頃始散地大震如
雷天地通紅大樹掃地復起房屋搖動平地忽裂數
十丈湧出黑沙水開而復合損壞房屋無數凡傍崖

平陸縣續志

卷之下

雜志

六十八

居者多壓死邑內惟西牛下牛王家溝越冀軫轎等
村災最重嗣後或一日數震數月一震如此者約四
五年

道光七年二月十五日戌時地震三越月而安 十七
年七月飛蝗入境食盡田苗秋無粟 二十三年四
月十一日午時日食既七月十四日河水暴長溢五
里餘太陽渡居民半溺水中沿河地畝盡為沙蓋河
干廬舍塌毀無算葛趙村西河水大漲有禹王廟外
四面皆水內數十人不得出俄見水勢視牆高丈餘
而不入人得無恙俗傳廟內有避水珠云三月十五

日陡溝村民焦三姓妻一產三男 二十六年大饑
人多餓死 二十七年正月初八日夜半電光屢見
東方 二十八年大有年 二十九年夏大雨秋大
熟

咸豐元年十二月初八夜地震如雷食頃方止 二年
麥豐登 六年望原村雄雞生卵 七年飛蝗蔽日
大傷禾苗 八年七月二十四彗星昏見西北晨見
東北 九年正月風霾挾旬無秋 十年春大荒人
食麥根 十一年大有年六月二十四大風拔木

同治元年六月飛蝗食苗殆盡七月十五日星隕如雨

由西北至西南九月星隕西南而有聲十月地震
三年六月飛蝗蔽日韓澗里坡底村牛生五蹠 五
年冰陽坡農家牛產一犢兩首雙項而連其背九月
夜隕火天鼓鳴 六年七月十六日大風拔木摧折
平垣營旗桿 八年六月大雨雹張店鎮后土廟謝
雨演劇卓午雷電交作大雨火龍撲入樂樓優伶震
斃三人傷如火爍者四五人旋從樂樓後簷揭瓦三
片穿小孔而升樞稅閒有爪迹天旋霽野樹枝折留
爪迹甚多 九年三月初一雪大如掌夏秋瘟疫盛
行十一月十一日戌時大星自北隕南有聲光芒燭

天十年十月初一薄暮大雪疾風張店一帶民居雪擁戶越三兩日始能出入平地雪厚二尺餘道路坎坷雪盡蓋平行人陷入凍死雪消始見 十三年六月初十夜有星自東隕西天鼓鳴興郭里槐下村雌雞化雄

光緒三年自春徂冬二百餘日無雨秋夏不收宿麥未種斗米五兩零草根樹皮剝盡父子相食人死十之八九十月大風奇冷井冰 五年三月大雨雹麥歉收五月遍地生蚱蟥六月田鼠食苗無秋八月狼出食人十月初一日軫轎村賀淑世之妻吳氏一產三

男棗溝村有瓜甫生暴長七八日至五十餘斤村人駭異摘去之十月田鼠相食 六年二月阮南村北溝狼相食土人逐之僅留頭足

外紀

附

乾隆三十三年六月初九午時車村陂池水忽溢出南路稍低約流百餘步其北尚高亦溢至二十餘步約食頃乃止

嘉慶十六年九月下卓村移建關帝廟於巽地落成後畫工塑像屢不就夜夢 神示其處次日忽聞廣德村東溝地吼如雷震者三日夜地中特出青桐一株

圍數握高四尺許無枝葉畫工往視尺寸恰合遂用之以成神像

道光二十年西車村周氏家廟綠竹開花數十朵形如蘭花色藍月餘後結實圓如豌豆色黑開二度

咸豐間有仙鶴一對突至常樂村翔舞數日後不知所終

少祖山后土廟舊有古鐘伏地相傳動則有災同治元年二月間賽社時有年幼恃力者動之一物突發幾至傷人其物人莫之識俗傳為石虎云

同治元年三月二十四日夜陝州婦女忽哭聲震地齊

平陸縣續志

卷之下

雜志

七十一

奔河干邑人疑賊陷陝州莫不惶恐逃者甚衆次日探之寂然詢陝民亦莫知其由識者以為兵兆云後

果然

餘詳
兵事

同治十一年文明坡底陂池綠萍浮水香氣遠射病者飲之即瘥男女往來取水不絕月餘如初

自唐人立小說事多荒誕無據故草野紀錄其異見異聞每為大雅所不取然雖迹近怪僻理涉幽渺而天地之大何所不有况其事其言可以昭吉凶而資考鏡者乎蒐羅不厭其詳折衷務歸乎實此外紀之所以附志也

卹典

養濟院在東門外創建不可考正房三間角房一間
漏澤園二見舊志創建無考嘉靖癸亥知縣王發蒙建
垣立石焉後因葬滿光緒元年署知縣葉廷棟於南
門外捐俸售民田四畝勒石記之今已瘞滿不可復
葬矣

逸事

進士趙士旂

襄城人

徐將軍者余不知生為何如人死為何如神也見其有廟嶙然有像儼然詢之道士為余言曰將軍解州曲村人也姓徐氏元末為其州阜衣隸州之守峻於法行刑酷虐勿有所私將軍於是惻然動念曰予小人誠不敢撓法而捶楚之下血流被體呼天搶地誰非父母之身而厄此三尺者乎乃以鵝翎盛他物血鑽竹板穴中每行刑不一二板其血立見州守見之遂命釋去率以為常同事亦無知者一日州守坐堂上見一人阜衣紅巾足下勃勃有生氣離地二三尺

平陸縣續志

卷之下

雜志

七十三

許乃召問之以為有怪術不言且死將軍俯而思仰而答曰予小人誠非有怪術者守曰爾有陰德乎曰無之即有亦不自知也守亦莫窮其然遂命之退至家不數日而將軍歿矣歿之日有仝州人自京來途次見一官儀仗甚衆而侍從皆異狀惟將軍服故時衣冠從其後與京來者相與語勞問如平生乃告曰余之所從者平陸縣主也將入覲矣言畢出白銀十兩囑曰汝歸語吾家若欲見我當俟我於平陸北關遂別去京來者如其言往詢之備述相遇之故且出其銀曰某所寄也其家驚且疑曰死有日矣及問其

死之日即途中相見之時也其家因以為神如期至平陸北關將軍果至如生人狀行於市但不與其家人交一言隨窺其行竟入

城隍廟矣因知所從者乃顯佑尊神也而入覲者即

謁

上帝也縣之父老相與塑將軍像於

城隍之側銀冑綠鎧禱之無不應順治三年縣二尹馬公移將軍於廟之西偏始有專祠歲時土人會於祠下凡有水旱疾疫輒禱之生民賴焉斯言也余蓋得聞於道士云夫竹板藏血則亦可為義人哉方將軍

平陸縣續志

卷之下

雜志

七十四

之為此也豈為後日計而一時惻憫之心上不廢法下不苦刑非所為經而能權者乎彼堂上者嚴刑峻法草菅民命毫無戚容是為人上者之心反不若奔走皁衣之徒良可羞也余述其事俾後之拜謁者有戒心焉豈獨將軍專美於前哉爰為詞曰
烈烈將軍臚於正祠有廟翼翼土人與立黃河滔滔
條山砥砥水流山峙將軍維茲作威之徒軒冕灰飛
將軍之靈方如日曦客遊晉土敬贊微詞拜廟下者
仰法乎斯

虞風俗攷

附

縣尹柴應辰

山陰人

平陸南北互四十里東西袤二百三十里枕山帶河坡沙溝澗而東山遼曠人迹罕稀地多石田難施畚鍤此疆里之凋敝初不關乎人事也遡厥盛時生業浩繁力本者衆幸不至有土滿之憂故憲綱列於安夏之次有以也夫自遭成化之荒歉崇禎之饑疫日不聊生轉輾溝壑甚至易子而食析骨而炊誠有賈策所不及哭鄭圖所不及繪者矣而又加以流寇之蹂躪陸梁之嘯聚逃者固逃而存者亦逃貧者固貧而富者亦貧當斯時也竟不知有生人之樂安知有

平陸縣續志

卷之下

雜志

七十五

國計之重乎以是舊志編戶五十五里裁而為三十六既而減為十八又復併為八里盛衰之狀非其明驗歟

國朝惠愛元元生聚教養人民少集田野甫治其時之司牧宜乎加意撫循猶恐不及而迺益以頭會箕歛正如尫羸之夫沉疴稍起參苓芪朮滋補不遑而盲醫狂悖反投以刻削之劑其不抵於困斃也幾希矣比余來蒞殘疆凡迎謁道左匍匐公庭者非鶉衣短裋則鵠面鳩形覩茲情景慘目傷心憶後之視今亦猶今之視昔針砭前人者不得不自先針砭寧敢妄

違

功令肆無忌憚乎然自甲寅及今五載其間催科之緩急撫字之善否余苦不自知聽諸士民之口而已若夫風俗率皆儉樸衣室器用不雕不飾茅茨土階之風陶復陶穴之化猶有存者惟是輕生之輩等性命於鴻毛健訟之徒投控牒如兒戲不加禁飭長此安窮且逋賦未清急議婚嫁謬畢子女之歡夙債未完甘質租課不顧身家之累斯皆風尚之苟且尤當亟於釐正者也夫好逸惡勞人之常情而虞為獨甚男不勤耕女不知織衣食之源尚然如此而況其下此者乎余雖多方告誡無如習俗難遷轉移化導之權不得不負疚於胸臆間也

附平陸形勢序

李醇

邑人

平陸地瘠民貧非他邑比所轄地方南濱大河僅二里北屆條嶺相距四十里半為溝塹居民鮮少東西雖延袤二百餘里多被山溝陡澗侵占東山一帶內多石田百年前民尚蕃衍地多開墾舊制列於中縣頗亦相稱逮屢遭兵荒村落半成丘墟黎庶化為荆棘三五煙火之家亦為一邨土曠人少名曰土滿矧地居僻壤從無經商於外民多習懶又無技藝在身

措紳數十年間出不能接踵相繼宦遊者落落晨星
凡賦稅衣食悉取諸田畝外此毫無錐刀之利噫天
災流行何代蔑有一值風雨愆期旱澇不均或散於
四方或填乎溝渠道殫相望不忍寓目崇禎六年秋
禾未登民死者三逃者二地半荒蕪編審三十五里
而攢為十八里十三年復遭奇荒夏麥薄收秋全無
木皮草根搜食無餘繼而骨肉殘食析骨為炊倫紀
滅絕史未經書誠千古一大劫也元氣大傷百年難
復十五年將十八里僅攢為八里視百年前不啻霄
壤矣然欲知田賦之減增須勘地畝之荒熟既悉地

畝之荒熟自瞭民數之生耗未有土田荒而人民少
猶以賦之常數責之也即有田之家如蹈湯火每值
催科剝肉醫瘡瑩瑩蔀屋甚至敲朴不前官斯土者
鯁鯁然日以為憂求一脫苦海而未由地方殘疲已
極不惟蒼赤苦官長尤苦有心世道之君子覽其形
勢察其風俗將薄賦恤民之不暇而遑他務乎是為
序

按虞風俗攷及平陸形勢序俱見古志前志續修悉
刪之第閱其文於歷次災稔民生疾苦各情形尤剴
切詳明令特復為載入並將地震大稔及各官缺分

附記於後以備士大夫之採擇庶臨民者知閭閻之
休戚地方之凋敝官員之賠累此次災侵武弁因荒
死者三人已詳論於後矣官民之苦於斯已極因之
去歲詳免荒地之丁糧以紓民困今秋復將本縣申
請改歸苦缺以免官累處此瘠區力為補救其戶役
差徭設法籌辦以期不負斯民無愧於心云

地震記

附

柴

溥

邑人時年
七十一

嘉慶二十年乙亥九月十九日夜半余夢驚醒覺身
簸搖幾欲墮地耳畔聞屋瓦飛鳴如風馳雨驟虎嘯
而獅吼也兒輩窗外大呼地震問余安否余始倉皇

而起挑燈出視但見東西兩屋離地尺許仆而復起
者十餘次當是時也口噤目眩心碎膽裂不知魂之
在體踰刻稍平偕兒輩步至村中聞父哭子嘸兄號
弟泣牆倒屋塌崖傾窰裂崩摧拉雜之聲不絕於耳
至村外又聞鄰村有禱神聲號佛聲被壓者有求救
聲壓斃者有哭泣聲又有鐘聲鼓聲鑼聲鈸聲如千
軍萬馬往來奔馳如鍊甲金戈互相擊撞自戌至辰
尚呼號不止嗚呼彼蒼者天曷其有極傷心慘目有
如是耶兒輩扶余歸同弟約亭及諸子明燭守視四
座寂然俱悚懼恐惶低聲嘆息而已詰朝有自縣來

者曰城頽矣衙署倒矣監倉壞矣囚犯俱拘守大堂
矣越三二日又自縣東北來者曰某村十傷五六矣
某村十無二三矣某村並無一人矣噫悲哉冤痛又
向誰訴哉嗚呼此劫也有一家壓斃一二人者有一
家三五人者有一家全歿不留一人者葬埋之具有
以箱代棺者有以席代棺者有以馬槽磁甕代棺者
更有無力裹屍赤身填阬者有掘土掩屍崖復崩塌
復被壓死者又有壑決被壓前半土入溝中屍掛半
崖隨風擺動搖搖如懸旌者真令人目不忍覩我平
自前明嘉靖三十四年十二月十二日及崇禎十五

年六月初三日兩次大震後二百餘年未有此奇災
也邑侯陸公名樟目擊心傷飛稟上聞 藩憲吳邦
慶即帶領汾守並各官六員駐劄運城飭汾守率各
員至平分道勘驗彙冊上稟 撫憲印衡齡據實奏
聞

聖天子惻然垂憫疊沛恩施仿康熙三十四年平陽府地震
之案撥運庫帑銀賑濟難民大口給銀二兩小口七
錢五分又

簡放欽差刑部左侍郎滿洲副都統那寶彥撫恤災黎
額外動支藩庫捐項查被災首重之家加賞銀五兩

其次賞銀四兩再次賞銀三兩又每項加修費銀一兩其損毀房屋窰孔房一間全塌者給銀一兩二錢半塌者給銀六錢以三間為限窰一孔全塌者給銀八錢半塌者給銀四錢亦以三孔為限有力者領弗給旋奉

諭飭各憲核被災之輕重詳細奏聞蠲免丁糧又飭官於各鄉煮粥散米拯濟貧民次年春又賞給壓斃牲畜銀兩以為耕種之資

聖恩高厚民無不以手加額祝我

天子萬年矣然自今以往百年之內不知能殷繁如舊否此

平陸縣續志

卷之下

雜志

八十

余所願望而不可必得者也

按是年八月三十日未刻天大雨綿延至九月十八日微晴十九日亥時又雨片刻復晴月明星朗而地震矣自夜半及旦共震一十三次壓斃人民三萬餘口知縣陸樟自縊殉之屢震連月不息民無所居各結草為菴時值隆冬風寒雪烈慘苦情形不堪言狀矣

平陸官弁缺分敘

附

沈承恩

山陰人

國家設官分職委事責任以為民也而官必藉民以養孟子云無君子莫治野人無野人莫養君子天下之通義也平邑在勝朝地闢民聚之時官皆全設而巡司倍之迨夫明季年饑用歉職事蕭疏初則裁簿繼而去丞後則白浪渡之巡檢吳邃餬口無資棄印宵遁當事因之裁缺何其前盛而後衰也推其故明初編五十五里計六千餘戶後遞減而為八里不及千戶民皆逃亡官何能存也我

聖祖仁皇帝軫念黎元蠲賦減徭生聚教養人民蕃庶嘉慶

平陸縣續志

卷之下

雜志

八十一

四年茅津巡檢改設縣丞乾隆嘉慶道光閒物阜財豐平之為縣在晉尚屬中缺至咸豐初年軍務防堵邑兼當之民困於役前已論之官則酬應捐攤十倍於昔而向之所資以津貼辦公者又皆歷年損革有名無實矣今天下以省計者十八余所遊履者十有四而官缺之瘠莫瘠於晉晉之缺以關南為優而關南之極優者每歲用度之外亦無數千金之盈餘官一交卸虧累者比比皆是視他省之優缺迥不侔矣關南之缺以餘平鹽務為辦公之資關北藉馬乾雜稅為津貼之用考平餘之原在勝朝初每糧一石折

銀二錢五分官則加征火耗令民倍納爾時平邑額糧幾四萬石折銀二萬餘兩析而為二一解司庫下餘之項復兩分之一歸邑之各官一則津貼巡按監司府州辦公之資邑之營造官用仍按里攤支迄明中葉國用不足石糧加折一兩以上官之火耗仍復倍征天崇閒屢次額外加賦火耗亦按等而加民困財竭饑饉洊臻戶口逃亡而明鼎亦隨之革矣民惟邦本信不誣也我

朝順治二年土田科則以前明萬厯為準天崇加賦悉除之康熙閒設各官養廉裁革火耗每征糧一兩加

征一錢三分作各官養廉之需一切營造詳請發帑興修准而後行毫不累民養廉足敷官之用度而不足以資辦公於是每正糧一兩加征錢餘名為餘平以資辦公捐攤之用除此之外官毫無取於民此平餘之由來也官有養廉以資日用有餘平以津貼辦公尚屬官民兩便第至咸豐初年軍興以後養廉減成核發捐攤遞加五倍於前晉章以四等分缺暫攤平居其次官之養廉所得無幾今之餘平尚不足以抵捐攤向之鹽務豫省津貼緝私經費千有餘金後減而為九百七百遞減而為五百今則鹽引滯銷數

年以來分毫不付矣向之當商每家百金計十四家陸續關閉令皆歇業知縣一官歲無二千金之入而捐攤應酬脩脯日用一切非五竿不可教官典史歲無百金之入武弁更無論矣此次大稜教佐之不轉於溝壑者亦屬幸免而武弁三人均因荒死

閱職官類三四

兩年武弁之開缺者即知其名

眷口皆亡其存者亦流落不知去向矣前之官斯土者日以為憂求脫苦海而不可得同治以來無任四年之知縣訓導五六年無實缺矣地方殘敝已極蒼黎苦官長尤苦君子於此知恤官即所以恤民保乳母即所以保赤子當必有以處之令

列大憲慈惠廉明一切寬免本年檄裁佐雜之解餉幫費其歷年欠款悉蠲免之復議裁減捐攤因於秋閒將本縣詳請改為苦缺停止常暫捐攤

憲恩高厚諒必允准各官藉以敷衍支持尚不至困尤願為官者能除宦場氣習勤儉自持力為撙節量入為出以寒士課讀處之庶儉以養廉不遺後日之累而循良廉潔之名將永垂不朽矣

大稔記 附

李貞年 邑人

旱潦之災從古有之而旱既太甚未聞如丁丑之最
大平陸民咸務本賴耕織以謀生兼之關中糧船每
年屢次達太陽是以人雖作苦鮮飽無嗟同治十一
年春未遇旱夏麥歉收而關中近歲不稔糧船弗來
加以豫省一路粟價昂貴外境客商往往在平買粟
由黃河水運而下自茲向之稱素封者幾乎室如磬
懸蓋眩目前之利而冀以來歲之有餘補今歲之不
足也年復一年歉收如故延至光緒三年丁丑自春
徂冬二百天無雨秋夏一概不登宿麥亦未得種而

平陸縣續志

卷之下

雜志

八十四

旱災於此甚大稔於此成矣每麥一斗價銀自四五
錢起至五兩許每谷一斗價錢自二三百起至三千
零縱有良田莫措手足既無顆粒奚辦饔飧始而貨
服物以餬口繼而鬻子女以偷生久之典賣已罄饑
餒難支剝樹皮而食者有之挖草根而啜者有之父
歿而子不葬啖其肉以救饑子死而父弗悲析其骸
以為爨其在諸舊族故家甘為餓死不為失節至若
田野之夫惟窮斯濫鹵莽之輩作暴於凶一變而為
乞匄再變而為竊盜三變而為搶奪其倖而免者姑
無論但拘拿到案性命儼同草芥之微其凶而很者

不足惜彼輒善平民枷杖竟因掛誤而死沿路肆掠大盜圖財物以殺人滿街行偷小賊刁飲食以延命世事洶洶誰弗謂不測之禍將伊於胡底者四年戊寅春仲亂階似滅而死口益增待稼而地不毛勤者都成游手糴糧而囊無物言之倍覺傷心盈途皆餓莩徧地盡殘屍雖萬人之坑時切掩埋試為之顧名思義而民之彫敝已不堪言矧溝壑之轉疾病之亡尚多哉及秋似稍有成而人少地多所種無幾即所收無幾五年己卯麥微收六七月間遍地生蝻碩鼠食苗以及蝨賊螟螣一時並集而秋穀為之不成熒

熒遺子仍然食用不足夫是災也山西全省河南陝西各居其半而山西較他省為重省南較省北尤重而較被災之最重者惟吾平與芮埽統計平民共十四五萬零口留者不過三四萬零口死者十之八九其時闔縣捐粟共合銀六萬餘兩作十一局以賑窮民而窮民之死如故而富民且有變為窮民而死者即 曾撫憲 閻部堂奏請共撥吾平官帑銀一萬二千兩東蘓漕米並官麥官豆官高粱京斗一萬五百餘石由南北分來南自鉄謝北自平陽翼城以重賑務而轉運日多幾有鞭長不及之勢五年冬浙紳

金觀察協助晉賑散放白金萬餘兩惜乎其遲且緩也然由今思之際此浩劫尚能留落落數萬人雖由陝州新建倉穀會鎮商客販粟足以渡河而救然眉而究未必非

皇恩之高厚克動彼蒼之好生耳嗟嗟帝王之政求萬全遇非常而始覺其善聖賢之言歸一是當大故而乃信其真耕三餘一耕九餘三誰不知此而竟數十年之辛苦不克濟二三年之凶荒抑何愚之甚耶願我平民謹遵勤儉之俗勿開奢侈之風以恪守餘一餘三之舊則庶乎常安豐稔醉飽能歌偶值凶荒凍餒無

慮矣爰記顛末以警來茲

